

四庫全書

經部

按：本冊原書於抗戰播遷中曾遭水漬，致字跡模糊不清，茲雖力經描修版面，仍無法全復舊觀。

# 欽定四庫全書

經部

儀禮經傳通解續卷二十五中

詳校官尚書臣德保

給事中臣溫常駿慶勳

總校官進士臣繆璘

校對官監丞臣張曾炳

謄錄監生臣徐如灝

欽定四庫全書

儀禮經傳通解續卷三十五中

宋 楊復 撰

宗廟中 祭禮九中

大宗伯之職掌建邦之大神人鬼地示之禮以佐王建

保邦國

建立也立天神地祇人鬼之禮者謂祀之祭之

者主謂凶禮賓禮軍禮嘉禮也曰古禮于上承以立以安邦國者互以相成明尊鬼神重人事疏見祭法

吉禮事邦國之鬼神示

注疏見祭法

以肆獻裸享先王以饋

食享先王以祠春享先王以禴夏享先王以嘗秋享先

王以烝冬享先王

宗廟之祭有此六享肆獻裸饋食在四時之上則是禘也禘也肆者進所

解牲體謂薦孰時也獻獻醴謂薦血腥也裸之言灌灌以勞也謂始獻尸求神時也郊特牲曰魂氣歸于天形魄歸于地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦孰于禘逆言之者與下共文明六享俱然禘言肆獻裸禘言饋食者著有黍稷互相備也魯禮三年喪畢而禘於大祖明年春禘于羣廟自爾以後率五年而再殷祭一禘一禘車音律音類疏曰此一經陳享宗廟之六禮也此經若細而言之即有六禮摠而言之則亦有三等之差肆獻裸是禘之大祭以饋食是禘之次祭以春享以下是時祭之小祭若以摠用家範大牢言之此亦皆為大祭也故酒正注云大祭者王服大裘袞冕所祭是也

此六者皆言享者對天言祀地言祭故宗廟言享享獻也謂獻饌具于鬼神也又曰云宗廟之祭有此六享者此則吉禮十二之中處其六也云肆獻裸饋食在四時之上則是禘也禘也者但周法有三年一禘則文二年大事于太廟公羊傳云大事者何大禘也大禘者何合祭也毀廟之主陳于太祖未毀廟之主皆升合食于太祖列昭穆序父子是禘之義也若殷則禘于三時周則秋禘而已又有五年一禘禘則各于其廟爾雅云禘大祭者禘是摠名祭法祭天圜丘亦曰禘夏殷四時之祭夏其祖之所自出謂夏正郊天亦曰禘夏殷四時之祭夏祭亦曰禘但于周宗廟之祭則有五年禘禘雖小于禘大于四時亦是大祭之名也云肆者進所解牲體謂薦孰時也者薦孰當朝踐後燔祭時故禮運云腥其俎孰其殷鄭云孰其殷謂體解而燔之是其饋獻獻以盞齊之節故云薦孰時但體解之時必肆解以爲二十一體故云肆也云獻獻醴謂薦血腥也者此是朝踐節當二

淮後王出迎牲祝延尸出户坐于堂上南面迎牲入豚  
解而腥之薦于神坐以玉爵酌醴齊以獻尸后亦以玉  
爵酌醴齊以獻尸故云謂薦腥也云裸之言灌者經云  
裸者是古之裸字取神歆之義故從示鄭轉從灌者以  
鬱鬯灌地降神取澆灌之義故從水言灌以鬱鬯謂始  
獻尸求神時也者凡宗廟之祭迎尸入户坐于主北先  
灌謂王以珪瓚酌鬱鬯以獻尸尸得之滌地祭訖啐之  
奠之不飲尸為神象灌地所以求神故云始獻尸求神  
時也言始獻對後朝踐饋獻醕尸等為終故此稱始也  
郊特牲曰魂氣歸于天形魄歸于地故祭所以求諸陰  
陽之義也者人之盛吸出入之氣為理耳目聰明為魄  
人死魄氣歸于天為陽形魄歸于地為陰祭時作樂為  
陽是求諸陽灌地為陰是求諸陰故云求諸陰陽之義  
也云殷人先求諸陽周人先求諸陰者此二代自相對  
殷人先求諸陽謂未灌先合樂周人先求諸陰謂未合  
樂先灌故云求諸陰灌是也引之者欲見周人祭先灌

之意云祭必先灌乃後薦腥薦孰于祫通言之者與下  
共文明六享俱然者如向所說其先灌訖王始迎牲次  
腥其俎腥其俎訖乃燔燔祭訖始迎尸入室乃有黍稷  
是其順也今此經先言肆肆是饋獻節次言獻是朝踐  
節後言灌灌是最在先之事是于祫通言之也言與下  
共文明六享俱然者既從下向上為文即是于下五享  
與上祫祭皆有灌獻肆三事矣故云六享俱然云祫言  
肆獻灌祫言饋食者著有黍稷互相備也者祫言肆獻  
灌明祫亦有之祫言饋食食是黍稷則祫亦有黍稷矣  
著明也明有黍稷互相備矣云魯禮三年喪畢而祫于  
大祖者此以周衰禮廢無文可明春秋左氏傳云周禮  
盡在魯即以春秋為魯禮今言魯禮者指春秋而言也  
春秋三年喪畢而祫于太祖謂若文公二年秋八月大  
事于太廟也信公以信三十三年薨至文公二年秋八  
月於禮雖少四月猶是三年喪畢而為祫祭也是魯禮  
三年喪畢而祫于大祖大祖謂周公廟周公廟中而為

禘祭也云明年春禘于羣廟者此明年春禘雖無正文約僖公宣公則知矣案僖公八年及宣公八年皆有禘文則知僖公宣公三年春有禘可知何者以文公二年禘則知僖公宣公二年亦有禘僖公宣公二年既為禘則明年是三年春禘四年五年六年秋禘是三年禘更加七年八年漆前為五年禘故僖公宣公八年皆有禘是明年春禘明矣故云明年春禘于羣廟也云自爾以後五年而再殷祭者公羊傳文殷大也除明年春從四年已後四年五年六年七年八年八年八年之中四年五年六年為三年禘七年八年八年漆前為五年禘是五年再殷祭也云一禘一禘者是禮識文謂五年之中為一禘一禘也鄭言此者欲見肆獻裸及饋食三者為禘禘從三年喪畢後為始之意也從禮祀以下至此吉禮十二皆敬神始何者案大司樂分樂而序之云乃奏黃鍾歌大呂舞雲門以祀天神已下下復云圉鍾為宮若樂六變天神皆降若樂八變地示皆出若樂九變人鬼可得而



禮鄭云天神則主北辰地祇則主崑崙人鬼則主后稷  
先秦是樂以致其神禮之以玉而裸馬彼先秦是樂以  
致其神則天神地示人鬼皆以樂為下神始也彼鄭云  
禮之以玉據天地而裸馬據宗廟則此上下天神言烟  
地示言血此宗廟六享言裸是其天地宗廟皆樂為下  
神始烟血與裸為敬神始也又案禮器與郊特牲皆言  
郊血大享腥三獻燔一獻孰者皆是薦饌始也以其郊  
是祭天而言用血大享是祫祭先王而言用腥三獻是  
社稷而言用燔一獻是祭羣小祀而言用熟以此是其  
先彼是其後後為薦饌可知故郊言血大享言腥三獻  
言燔一獻言  
熟也 春官

天子諸侯宗廟之祭春日禘夏日禘秋日

嘗冬曰烝

禘余若反此蓋夏殷之祭名周則改之春  
曰祠夏曰禘以禘為殷祭詩小雅曰禘祠烝

嘗于公先王此周四時祭宗廟之名疏曰春日禘者  
皇氏云禘薄也春物未成其祭品鮮薄也孫炎云禘者

新菜可酌夏曰禘者皇氏云禘者次第也夏時物雖未  
成宜依時次第而祭之秋曰嘗者白虎通云嘗者新穀  
熟而嘗之冬曰烝者烝者衆也冬之時物成者衆孫炎  
云烝進也進品物也又曰疑爲夏殷祭名者以某祭名  
與周不同故以爲夏殷祭名其夏殷之祭又無文故稱  
蓋以疑之此云春酌而郊特牲云春禘者鄭彼注云禘  
當爲禘從此爲正祭義曰春禘鄭注立云夏殷禮不破  
禘字者以郊特牲已破禘爲禘故于祭義略之從可知  
也云周則改之春曰祠夏曰酌者案宗伯云以祠春享  
先王以禘夏享先王又知周以禘爲殷祭者案公羊傳  
云五年而再殷祭又春秋經傳八年秋七月禘于大廟  
是禘爲殷祭殷猶大也謂五年一大祭引詩小雅者是  
文王之詩天保之篇謂文王受命已改殷之祭名以夏  
祭之禘改名曰酌而詩先言酌後祠者從便文嘗在烝  
下以韻句也于公諸誓至不啻也  
先王謂后稷大王王季也王制

始殺而嘗

建酉之月陰氣

始殺嘉穀始熟建亥之月昆蟲閉戶萬物皆閉蟄而烝成可薦者衆故烝祭宗廟釋

例論之備矣閉必計反又必結反字林方結反烝之承反疏見祭統時日條桓公五年春秋左氏傳

古者先王日祭月享時類歲祀以事類曰類日祭于祖考月薦于曾祖時

類及二祧歲祀于壇墠諸侯舍日有月卿大夫舍月有時士庶人

舍時歲乃祭也國語楚語注大宗伯享大鬼帥執事而卜日注

見下具修條太宰享先王前期十日帥執事而卜日注疏

齊戒條

右時日 傳春祭曰祠夏祭曰禴秋祭曰嘗冬祭

曰烝春薦韭卯夏薦麥魚秋薦黍豚冬薦稻鴈三歲一禋五年一禘禘者合也禘者諦也禘者大合祭於祖廟也禘者大審諦而差優劣也

說苑修文

公

羊子曰大禘者何合祭也其禘祭奈何毀廟之主

陳于大祖

毀廟謂親過高祖毀其廟藏其主于大祖廟中禮取其廟室簠以爲死者收沐

大祖周公之廟陳者就陳列大祖前大祖東鄉昭南鄉穆北鄉其餘孫從王父父曰昭子曰穆昭取

其鄉明穆取其北而尚敬

未毀廟之主皆升合食于大祖

自外來曰

升五年而再殷祭

殷盛也謂三年禘五年禘禘所以異于禘者功臣皆祭也禘猶

合也禘猶諸也審諦無所遺失禮天子特禘特祫諸侯禘則不祫祫則不當大夫有賜于君然後祫其高祖疏

桓公八年正月己卯

春祭曰祠薦尚韭卯

見守藏條

夏祭曰禘薦尚麥魚秋祭曰嘗薦尚棗豚冬祭曰烝薦尚稻鴈無牲而祭曰薦薦而加牲曰祭禮各異也夫禮祭祀例日得禮者時定八年冬從祀先公是也僖八年秋七月禘于大廟月者謹用致夫人耳禘無違禮疏曰所言四時祭名者周禮大宗伯及爾雅並有其事薦尚韭卯之等禮記王制之文何休云祠猶食也猶繼嗣也春物始生孝子思親繼嗣而食之也約者麥始熟可約也嘗者棗先熟可得薦故曰嘗烝棗也所薦衆多芬芳備具故曰烝郭璞等注爾雅與何解四時祭名少異但范之所引者並與何氏同故從何說又云天子四祭四薦諸侯三祭三薦大夫士再祭再薦天子諸

侯卿大夫牲用太牢天子元士諸侯卿大夫少牢  
諸侯之士特豕天子之牲角握諸侯角尺卿大夫  
索牛此記異文耳未知范意與之同否定公八年  
衛侯鄭伯盟于曲濮下即云從祀先公是時而不  
月也得禮例時引定八年為證失禮例日不引其  
文者凡烝合在夏之十月故何休云祭必于夏之  
孟月者取其見新物之月是也今正月為之違月  
隔年故傳曰春興之志不時也下文夏五月丁丑  
然傳曰志不敬也三烝並書日以見非禮此文即  
是非禮例日之證故不復更引他文其文二年丁  
卯大事于太廟亦是失禮書日也正月烝傳云不  
時也五月烝傳云不敬也者一失禮尚可故以不  
時言之再失禮重故以不敬釋之又注云禘無違  
禮衆明堂位季夏六月以禘禮祀周公于太廟倍  
公七月而禘則是不時而云無違者周之七月夏  
之五月若值月前節却則與四月相投不多比之

隔年再烝失禮尚可故曰無違也文二年八月則是夏之六月而祫嘗者亦是失禮故書曰表逆祀及失時也宣八年六月有事于大廟是穀梁子曰得時而書曰者識宣公御死不廢經也

烝冬事也春興之志不時也夏五月丁丑烝烝冬事也春夏興之黷祀也志不敬也公羊子曰春

曰祠

薦尚韭卯祠猶食也猶繼嗣也春物始生孝子思親繼嗣而食之故曰祠因以別死生

夏曰禴

薦尚麥魚麥始熟可約故曰約

秋曰嘗

薦尚黍豚嘗者先辭也秋穀成者非

一黍先熟可得薦故曰嘗

冬曰烝

薦尚稻鴈烝衆也氣盛貌冬萬物畢成所薦衆多芬芳備

具故曰烝無牲而祭謂之薦天子四祭四薦諸侯三祭三薦大夫士再祭再薦祭於室求之于幽祭

于堂求之于明祭于防求之于遠皆孝子博求之意也大夫求諸明士求諸幽尊卑之差也殷人先求諸明周人先求諸幽質文之義也禮天子諸侯卿大夫牛羊豕凡三牲曰大牢天子元士諸侯之卿大夫羊豕凡二牲曰少牢諸侯之士特豕天子之牲角握諸侯角尺卿大夫索牛疏曰無牲而祭謂之薦者謂無牛羊豕之牲也而中甯禮云祭五祀于廟用牲有尸皆薦于奧何以薦用牲彼謂正祭之時先薦于奧仍自無牲其正祭五祀乃用牲有尸耳天子諸侯卿大夫士祭薦之羞者皆時王之禮中甯禮亦然天子諸侯卿大夫牲牢之差者皆指宗廟之牲仍不妨王制賓客之牛角尺之文

常事不書此何以書譏亟也

亟數也屬十二月已燕今復燕也不

異燕祭名而言燕者取冬祭所薦衆多可以包四時之物亟則黷黷則不敬黷



也黜君子之祭也敬而不黷君子主則敬養死則敬享故將祭宮室既修牆

屋既繕百物既備序其禮樂具其百官散齊七日致齋三日夫婦齋戒沐浴盛服君牽牲夫人奠酒

君親馱尸夫人薦豆俎大夫相君命婦相夫人洞洞乎屬屬乎如弗勝如將夫之濟濟乎致其敬也

愉愉乎盡其忠也勿勿乎其欲饗之也丈王之祭事死如事上孝子之至也疏曰今祭義酒作盞

字鄭注云奠盞設盞齊之罇蓋所見異或何休以義引之不取正文疏則怠怠則忘

怠士不及茲四者則冬不裘夏不葛禮本下為士制茲此也四

者四時祭也疏數之節靡所折中是故君子合諸天道感四時物而思親也祭必于夏之孟月者取

其見新物之日也裘葛者禦寒暑之美服士有公事不得及此四時祭者則不敢美其衣服蓋思念

親之至也故孔子曰吾不與祭如不祭疏曰禮本下為士制者即士喪禮士虞士相見之屬是也言此者欲道庶人無禮篇故傳家編舉言之即曲禮上篇禮不下庶人鄭注云為其達于事且不能備物義亦通于此

閔公二年夏五月乙酉吉禘于莊公

三年喪畢致新死者之主于廟廟之達主當達入祫因是大祭以審昭穆謂之禘莊公喪制未闕時別立廟廟成而吉祭又不于大廟故詳書以示機闕古穴反大廟音泰疏曰唐三十三年傳曰凡君薨卒哭而祔祔而作主特祀於寢丞嘗禘於廟禘祀為吉祭說喪事而言禘知禘是喪終而吉祭也襄十五年晉悼公卒十六年傳稱晉人答穆叔云以寡君之未禘祀知三年喪畢乃為禘也喪畢而為禘祭知致新死之主于廟也新主入廟則達主當達知其達入祫者祭法云天子七廟有二

祫則祫是遠祖廟也周禮守祫掌守先王先公之廟祫其遺衣服藏焉廟之遠主其廟既遠主無所處固當遠入祫也鄭玄以二祫為文王武王之廟新主入廟當各從其班穆入文祫昭入武祫禮諸侯五廟更無別祫則當謂大祖之廟為祫也遠主初始入祫新死之主又當與先君相接故禮因是而為大祭以審序昭穆故謂之禘禘者諦也言使昭穆之次審諦而不亂也莊公以其三十二年八月薨至此年五月唯二十二月故喪制未闋也公羊傳曰其言于莊公何未可以稱宮廟也曷為未可以稱宮廟在三年之中矣三年之中未得以禮遷廟而特云莊公知為莊公別立廟廟成而吉祭也僖八年禘于大廟文二年大事于大廟宣八年有事于大廟彼言大事有事亦禘祭也則禘禮必于大廟今未可以吉祭而為吉祭又不于大廟故詳書以示譏也既云吉禘又云于莊公是其詳也

左氏曰速也 穀梁子曰吉禘者不吉者也喪事

未畢而舉吉祭故非之也

莊公薨至此方二十二月喪未畢疏曰言禘

於莊公即是莊公立宮而不稱宮者莊公廟雖立訖而公服未除至此始二十二月未滿三年故不得稱宮也此喪服未終舉吉以非之文三年亦喪服未終而大事于大廟不言吉者其譏已明故不復云吉言大事者秋禘而物成其祀大故傳云大是事也著禘嘗是也凡祭祀之禮書者皆譏故范略例云祭祀例有九皆書月以示譏九者謂桓有二烝一嘗總三也閏吉禘四也僖禘大廟五也文著禘嘗六也宣公有事七也昭公禘武宮八也定公從祀九也知禘是三年喪畢之祭者此莊公薨未二十二月仍書吉以譏之明三年喪畢方得為也知必于大廟者明堂位曰季夏六月以禘禮祀

周公子大廟是也其禘祀之月王肅杜預之徒皆以二十五月除喪即得行禘祭鄭玄則以二十八月初服吉嘗即禘于大廟明年春始禘于羣廟今范云三年喪畢禘于大廟必不得與鄭明年春禘於羣廟同其除喪之月或與鄭合故何休注公羊亦以除喪在二十七月之後也方者未至之辭此實二十二月而云方者莊公以三十二年八月薨至此年五月始滿二十二月未盡其月為禘祭故言方或可識其大速以甚言之故云方也

### 公羊子曰言吉者未可以

**吉也**

都未可以吉祭經舉重不書禘于大廟嫌獨莊公不當禘于大廟可禘者故加吉明大廟

皆不當疏曰都未可云云者言在三年之內莊公及始祖之廟皆未可以吉祭故言都爾又曰春秋之義常事不書有善惡者乃始錄而美刺之今既已舉重特書于莊公不書于大廟則嫌莊公一

廟獨不當禘大廟便可禘矣然莊公卑于始祖而  
言舉重者言三年之內作吉祭之時莊公最不宜  
吉故言舉重不謂  
莊公尊于始祖也  
曷為未可以吉  
據三年也  
疏

莊三十二年八月公薨至今年五  
月已入三年之竟故言據三年也  
未三年也  
禮禘

先君數朝聘從今君數三年喪畢遭禘則禘遭禘  
則禘  
疏曰未三年也者謂未滿二十五月也又

曰禮禘禘從先君數者謂為禘禘之祭合從先君  
死時日月而數之若滿三年已後遭禘則禘遭禘  
即禘耳又曰朝聘從今君數者謂從今  
君即位以後數其年歲制為朝聘之數  
三年矣  
曷

為謂之未三年三年之喪實以二十五月  
時莊公  
薨至是

適二十二月所以必二十五月者取期再期恩倍  
漸三年也孔子曰子生三年然後免于父母之懷

夫三年之喪天下之通喪禮士虞記曰期而小祥曰屬此常事又期而大祥曰薦此常事中月而禫是月也吉祭猶未配是月者二十七月也傳言二十五月者在二十五月外可不議疏曰二十五月是再期矣故曰取期再期矣父母之喪倍于期者之恩正當其禮數故曰其恩倍矣言漸三年也者謂二十五月漸得三年之竟故云漸三年也議如得漸二君之遺教又曰禮士虞記曰期而小祥曰薦此常事者彼注云小祥祭名祥吉也古文期皆作朞常者期而祭禮古文常為祥又曰又期而大祥曰薦此祥事者亦彼文注中月而禫是月也吉祭猶未配者亦彼文彼注云中猶聞也禫祭名也與大祥間一月自喪至此凡二十七月禫之為言澹澹然平安意也是月是禫月當四時之祭月則祭猶未以其妃其言于莊公何據禫于大廟不配某氏哀未忘也言周公貽倍公

不言僖宮 疏曰即僖八年秋七月禘于大廟用致夫人是也又曰禘僖公不言僖宮定八年從祀

先公傳云從祀者何順祀也文公逆祀去者三人定公順祀叛者五人彼注云諫不以禮而去曰叛

云不書禘者後禘亦順非獨禘也不言僖公者閔公亦得其順是其禘僖公不言僖宮者即大二年

八月丁卯大事于太廟躋僖公傳云大事者何大禘也者是也 未可以稱宮廟也

時閔公以莊公在三年之中未可入太廟禘之于新宮故不稱宮廟明皆非也 曷為未可

以稱宮廟 據言禘也 疏曰據言禘也者正以禘是吉祭之稱既得言禘何故不得稱宮

廟故 在三年之中矣 當思慕悲哀未可以鬼神事之 疏曰未可以鬼神事之

者正言以宮廟者鬼神居之之稱故也 吉禘于莊公何以書譏始不



三年也

與託始同義 疏曰案隱二年九月紀履綸來逆女傳云外逆女不書此何以書譏

何譏爾譏始不親迎也始不親迎昉于此乎前此矣前此則曷為始乎此託始焉爾曷為託始焉爾春秋之始也然則此亦宜云始不三年故云與託始同義矣而傳不言託始蓋省文從可知也 春

秋左氏穀梁公羊傳通入

襄公十五年冬十有一月晉侯周

卒十六年春正月葬晉悼公

踰月而葬速也 疏曰四年七月夫人如

氏薨八月葬我小君定如纓別月耳杜云踰月而葬速也今晉悼往年十一月卒此年正月葬積三

月也杜亦云踰月而葬者踰越也所越有平公即多有少俱是踰越之義故杜弘通兩解也

位

平公悼公子彪彪彼糾反

改服修官烝于曲沃

既葬改喪服修官選

賢能曲沃晉祖廟烝冬祭也諸侯五月而葬既葬  
卒哭作主烝後烝嘗于廟今晉踰月葬作主而烝  
祭傳言晉將有災冬穆叔如晉聘且言齊故齊  
梁之會故速葬

魯晉人曰以寡君之未禘祀禘祀三年喪畢之吉祭疏曰僖三十三

年傳云凡君薨卒哭而祔祔而作主持祀于主烝  
嘗禘于廟如彼傳文則既祔之後可以為烝嘗也  
閏二年五月吉禘于莊公以其時未可吉書吉以  
識之此年正月晉已烝于曲沃仍云未得禘祀知  
知禘祀是三年春秋左昭公元年  
烝畢之吉祭也氏傳

十二月晉既烝烝冬祭也趙孟適南陽將會孟子餘孟子

餘趙衰趙武之曾祖其廟在晉之南陽溫縣往會  
祭之衰初危反疏曰服虔以孟為趙盾子餘

為趙衰若其必能當先衰後盾何以先言孟也杜以孟子餘是趙衰一人蓋子餘是字孟是長幼之

甲辰朔烝于溫

字也  
趙氏烝祭甲辰十二月朔晉既烝趙孟乃烝其家廟則晉烝當

在甲辰之前傳言十二月月誤疏曰杜以十二月晉既烝趙孟始適南陽則趙孟初行已是十二月也此句乃云甲辰朔烝于溫案文言之則是來年正月朔也服虔云甲辰朔夏十一月朔也若是夏十一月朔當于明年言之而此年說之何也杜以服言不通故為此解云晉既烝趙孟乃烝其家廟則晉烝當在甲辰之前當言十一月傳言十二月月誤也劉炫以為晉烝及趙孟適南陽並在十二月之前文繫十二月者欲見烝後即行先公後私十二月之文為下甲辰朔起本舉月達屬下明晉烝猶在朔前十二月非誤也若必如劉言傳當云晉既烝趙孟適南陽將會孟子餘十二月甲辰

朔燕于溫足明先公後私之義何須虛張十二月  
于上遙為甲辰朔起本傳文上下未有此例劉炫

之言非也

春秋左氏傳

孟獻子曰正月至可以有事於

上帝七月日至可以有事于祖七月而禘獻子為

之也

記魯夫禮所由也孟獻子魯大夫仲孫蔑也  
魯以周公之故得以正月至之後郊天亦

以始祖后稷配之獻子欲尊其祖以郊天之月對  
月禘之非也魯之宗廟猶以夏時之孟月爾明堂  
位曰季夏六月以禘禮祀周公于大廟疏曰此  
一節明魯之郊禘之事獻子魯大夫仲孫蔑諡曰  
獻子正月周正月建子之月也日至冬至日也有  
事謂南郊祭所出之帝也上帝靈威仰也而周以  
十一月為正其月日至若天子則圜立魯以周公  
之故得郊天所以于此月得郊所出之帝靈威仰

而已故云正月日至可以有事于上帝也此言是也七月日至可以有事于祖者七月周七月建午之月也日至夏至日也有事謂禘祭于祖廟故云有事于祖獻子言十一月建子冬至既祭上帝故建午夏至亦可禘祖以兩月日至相對故祭祖廟與天相對也故云七月日至可以有事于祖也此言非也所以為非者魯之祭祀宗廟亦猶用夏家之法凡大祭宜用首時應禘于孟月孟月于夏家是四月于周為六月故明堂位云季夏六月以禘禮祀周公于大廟是夏之孟月也獻子捨此義欲以此二至相當以天對祖率失禮意七月而禘獻子為之也記其失禮所由也詳見序事時日條

# 大宰掌百官之誓戒

誓戒要之以刑重失禮也明堂位所謂各揚其職百官廢職服大刑

是其辭之略也 要一遙反 疏曰謂祭前十日已前  
誓戒百官則大宰掌之與其具修者使百官供祭祀之  
具及修之埽除也又曰云誓戒要之以刑重失禮者言  
要之以刑則服大刑是也言重失禮者以失禮為重故  
要之以刑引明堂位彼在祭祀之下陳之謂祭日此是  
未祭前引之者欲見祭前誓戒運用祭日之辭以勅之  
故或前或後其辭同云是其辭之略者謂誓戒之時其  
辭應多不應唯有此言故云辭之略也又云具謂所當  
供者祭祀之連事祭祀之具百官共供故云具謂所當  
供又云修埽除糞洒者案宮人云堂六寢之修守祧云  
其廟有司修除之是  
其修埽除糞洒也

前期十日帥執事而卜日遂戒

前期

前所諏之日也十日容散齊七日致齊三日執事宗伯  
大卜之屬既卜又戒百官以始齊 諏于須反齊側皆  
反下同散悉但反下同 疏曰前期者謂祭日前夕為  
期云前期十日者即是祭前十日大宰帥宗伯大卜

之屬執事之人而卜日又言遂戒者謂祭前十日遂戒百官始齊又曰云前期前所誦之日者此依少牢所誦之日即祭日也凡祭祀謂于祭前之夕為期今言前期十日者明祭前十日卜卜之後日遂戒使散齊致齊故云十日容散齊七日致齊三日案禮記祭統云散齊七日以定之致齊三日以齊之云執事宗伯大卜之屬者大宗伯職云凡祀大神享大鬼祭大示帥執事而卜日謂宗伯蒞卜又案大卜云大祭祀視高命龜故知執事中行宗伯大卜之屬中含有小宗伯及卜師故言之屬天官

### 世婦掌女宮之宿

戒

女宮刑女給宮中事者宿戒當給事豫告之齊戒也疏曰此世婦是宮卿之官也言女宮刑女給宮中

之事者古者從坐男女沒入縣官男子為奴隸女子入宮給使役故云刑女也云宿戒當給事豫告之齊戒也者此亦祭前十日戒之使齊祭前三日又宿之故宿戒並言春官

### 及時將祭君子乃

齊散齊七日致齊三日

疏曰四時應祭之前未旬時也方將接神先宜齊整身心故齊

也祭統

致齊於內散齊於外齊之日思其居處思其笑

語思其志意思其所樂思其所嗜齊三日乃見其所為

齊者

致齊思此五者也散齊七日不御不樂不弔耳見所為齊者思之熟也所嗜素所欲飲食也春秋傳

曰屈到嗜芟

屈居勿反

疏曰思其居處者謂祭致

齊之日也思其居處以下五事謂孝子思念親存之五

事也先思其麤漸思其精故居處在前樂嗜居後齊三

日乃見其所為齊者謂致齊思念其親精意純熟目想

之若見其所為齊之親也春秋傳者國語楚語云屈到

嗜芟有疾召其宗老而屬之曰祭我必以芟祭義

先期旬有一日宮宰宿夫人夫人亦散齊七日致齊



三日

宮宰守宮官也宿讀為肅肅猶戒也戒輕肅重也

君致齊於外夫人致齊

於內

疏曰君致齊于外夫人致齊于內者外謂君之路寢內謂夫人正寢是致齊並皆于正寢其實散齊

亦然但此文對會于太廟故云君致齊于外夫人致齊于內耳

祭統

## 右齊戒

太宗伯享大鬼宿眡滌濯涖玉鬯省牲鑊奉玉盥

鑊郭反

盥音浴

執事諸有事于祭者宿中戒也滌濯既祭器

也玉禮神之玉也始涖之祭又奉之鑊烹牲器也故書

涖作立鄭司農讀為涖涖視也疏曰祭前十日大宗

伯先帥執事有事于祭者共卜取吉日乃齊云宿眡滌

濯者謂祭前一宿視所滌濯祭器看潔淨以否云涖玉

鬯者天地有禮神之玉無鬯鬯宗廟無禮神之玉而有

鬱也但宗廟雖無禮神王仍有圭瓊瓊瓊亦是玉故曲  
禮云玉曰嘉玉郊特牲云用玉氣是也云省牲鑽者當  
省視烹牲之鑽云奉玉盥者此玉還是上文所濯者盥  
謂秦稷天地當盛以瓦盥但盥與上電互見為義皆始  
時臨之祭又奉之又曰業大軍云祀五帝前期十日帥  
執事而卜日注云執事宗伯大卜之屬此注云執事諸  
有事于祭者二注不同者以其大軍不掌祭事故云執  
事大宗伯大卜之等卜日而已此大宗伯主祭祀之事  
故摠諸有事于祭者也云滌濯灑祭器也者此滌濯止  
是滌滌以少牢有概祭器故據而言之概即拭也云玉  
禮神之玉也者即蒼璧黃琮青圭赤璋之等及四圭兩  
圭之類皆是禮神置于神坐也案九嬪職云贊玉盥注  
云玉盥玉敦盛黍稷與此注玉為禮神之玉盥即非玉  
敦所盛注不同者彼九嬪所贊贊后設之據宗廟無禮  
神玉則玉盥不得別解故為玉敦此據天地為主有禮  
神玉故與盥別釋也大軍云祀五帝贊玉帶爵之事注

云三者執以從王至而授之彼所執據五帝此所奉據  
昊天與崑崙故不同云始涇之祭又奉之者鄭據上云  
涇涇臨視也直視看而已下云奉據手執授王故云祭  
又奉之云鑊烹牲器也者案特牲少牢鑊即饗在廟門  
之外東壁也  
春官

### 太宰享先王則掌百官之誓戒與其具修

具所當共修埽除糞酒疏曰祀五帝則掌百官之誓  
戒者謂祭前十日已前誓戒百官則太宰掌之與其具  
修者使百官供祭祀之具及修之埽除也又曰具所當  
供者祭祀之連事祭祀之具百官共供故云具謂所當  
供又云修埽除糞酒者案宮人云掌六寢之修  
守祧云其廟有司修除之是其修埽除糞酒也

### 及執事

眠滌濯

疏曰及猶至也謂至祭前夕太宰眠滌濯濯案春  
官小宗伯大祭祀眠滌濯大宗伯亦云宿眠滌

濯彼二官親眠滌濯大宰尊亦往涇之注云執事初爲  
祭事前祭日之夕知者案下經及納亨者是祭日此云

祇滌濯儀禮特牲亦云前祭日之夕視壺濯及豆蓬士  
卑得與人君同少牢大夫禮當祭日概祭器者下人君  
也注又云滌濯謂洗祭器及甑甗之屬知熊者案少牢  
雍人概鼎之俎康人概甑甗司宮概豆蓬及勺爵此不  
言之俎豆蓬勺爵者  
之屬中含之天官

世婦及祭祀比其具

比甫志反  
又匹氏反

芳美反 比次也具所濯概及菜盛之饗鄭司農比請  
為厄厄具也 疏曰此世婦是宮御之官也知比具所  
濯概及菜盛之饗者濯概概菜盛皆婦人之事二十七世  
婦職云帥女宮而濯概為盥盛儀禮特牲云主婦視饌  
饗饌饗亦女宮之事故知也先鄭云厄厄  
具也者先鄭周禮內有比皆為厄具釋之  
帥六宮之人  
共盥盛 帥世婦女御 疏曰知帥六宮之人是世婦女  
御者案二十七世婦職云帥女宮為盥盛女御  
職云凡祭祀贊世婦鄭注云助其帥濯女  
宮是以知盥盛世婦女御之事也 春官

寺人若有

祭祀之事則帥女宮而致於有司

有司謂宮卿世婦疏曰知有司是

宮卿世婦者案春官宮卿世婦云掌女宮之宿戒及祭祀比其具此既言致于有司明是男子官宮卿所掌女官也非是下文世婦之女帥官者也 天官 世婦掌祭祀之事帥女

宮而濯概為盥盛

概拭也為猶差擇疏曰此婦人所掌祭祀謂祭宗廟則帥女宮而

濯概案少牢饗人概鼎俎廩人概甑甗司宮概豆簋皆使男子官不使婦人者彼以大夫家無婦官及無刑女故并使男子官此天子禮有刑女及婦官故與彼異文也又曰祭祀黍稷春人春之饌人炊之皆不使世婦故此為非春非炊是差擇有司也 及祭之日涖陳女宮之具凡內

羞之物

涖臨也內羞房中之羞疏曰案春官世婦宮卿云掌女宮之宿戒及祭祀比其具此宮

直臨之而已云凡內羞之物者謂糗餌粉養案少牢皆從房中而來故名為內羞是以鄭云內羞房中之

羞也

女御凡祭祀贊世婦

助其帥涖女宮疏曰上世婦職云掌祭

同上

祀賓客喪紀帥女宮及祭之日涖女宮之具故知此贊者助其涖女宮也

同上

寺人佐

世婦治禮事

世婦二十七世婦宮卿世婦恐此亦是彼世婦故鄭云二

十七世婦以寺人是奄者故得佐世婦治禮事禮事即世婦所掌祭祀賓客喪紀之事是也

同上

閤人大祭祀之事設門燎蹕宮門廟門

燎力名反又刀弔反燎

地燭也蹕止行者廟在中門之外

疏曰燎地燭也者

燭在地曰燎謂若天子百公五十侯伯子男皆三十所

作之狀蓋百根葦皆以布纏之以密塗其上若今蠟燭矣對人手執者為手燭故云地燭也

同上

宮

正凡邦之事蹕宮中廟中則執燭

鄭司農請火絕之云禁凡國之事蹕國有

事王當出則宮正主禁絕行者若今時衛士填街蹕也  
宮中廟中則執燭宮正主為王于宮中廟中執燭玄謂  
事祭事也邦之祭社稷七祀于宮中祭先公先王于廟  
中隸僕掌蹕止行者宮正則執燭以為明春秋傳曰有  
大事于大廟又曰有事于武宮疏曰凡邦之事謂祭  
祀之事王當出入來往時隸僕與王蹕止行人于宮中  
及廟中也王出向二處當侵晨而行爾時則宮正為王  
執燭為明也又曰先鄭讀火絕之則火字向上為句也  
其禁自與凡邦之事蹕共為一句宮正既不掌蹕事若  
如先鄭所讀則似宮正為王蹕非也云宮中廟中則執  
燭者若不以邦之事與此宮中為一事則宮中廟中何  
為事而遣宮正執燭乎亦非也又云若今時衛士填街  
蹕也者漢儀大駕行幸使衛士填塞街巷以止行人備  
非常也玄謂事祭事也者謂在宮中廟中二處皆有祭

事也云邦之祭社稷七祀于宮中者小宗伯云左宗廟  
右社稷在宮中中門之外也依祭法王為羣姓立七祀  
曰司命曰中霤曰國行曰國門曰泰厲曰戶曰竈案司  
門云凡歲時之門受其餘則此七祀等是為羣姓所立  
者不在宮中也祭法又云王自為立七祀此則禱祀在  
宮中者也云春秋傳曰有大事于大廟者左氏文二年  
秋八月丁卯大事于大廟是也云又曰有事于武宮者  
昭十五年春二月癸酉有事于武宮鄭引此者欲見隸  
僕蹕于宮中亦得兼廟中故公羊云魯公稱世  
室羣公稱宮則天子之廟亦有宮稱也同上

內豎

若有祭祀之事則為內人蹕

內人從世婦有事于廟者  
內豎為六宮蹕者以其掌

內小事疏曰此豎為祭祀賓客喪紀三事為內人蹕  
者謂在廟時若然祭祀在廟謂禘祫四時之祭祀也賓  
客在廟謂饗食時也喪純在廟謂喪朝廟為祖奠遣奠  
時也皆為內人蹕止行人也又曰鄭知內人從世婦者



內人卑不專行事。案下世婦職云：掌祭祀已下三事。與此經三事同明。此內人從世婦而濯，擬及為菜盛也。云內豎為六宮蹕者，以其掌內小事者，以其蹕止行人。既是小事，故還使內豎掌小事者蹕也。同上。天。

# 府凡吉凶之事祖廟之中沃盥執燭

注：吉事四時祭也。凶事后王喪朝于

祖廟之奠，朝直遙反。疏曰：他官在祖廟中沃盥，夙興時則天府之官與之執燭，為明他官在祖廟中沃盥者，謂小祝云：大祭祀沃尸盥，小臣大祭祀沃王盥。此二官所沃盥在祖廟中，則天府為之執燭，其若士帥云：祀五帝沃尸盥，非祖廟事，則不與執燭也。云吉事謂四時祭也者，略言之。禘祫亦在焉。云凶事后王喪朝于祖廟之奠者，王及后喪七月而葬，將葬當朝六廟，後乃朝祖廟。祖廟中日側為祖奠，殿明將去為大遣奠，皆有沃盥之事。故鄭云：焉。春官。

右具修

卷二十五

司服掌王之吉凶衣服辨其名物與其用事

用事祭祀視朝甸凶

弔之事衣服各有所用

疏曰此一經與下文為總目

王吉服有九大裘已下是也凶服即下文凶事與弔是

也云辨其名物者衣服有名則物色有異同也又曰云

用事祭祀視朝甸凶弔之事者是其事各異云衣服各

有所用者謂若祀昊天

天用大裘之等是也

享先王則衮冕享先公則鷩冕

注疏

見祭物祭服條

追師掌王后之首服為副編次追衡笄為九

嬪及外内命婦之首服以待祭祀

追丁回反編步典反又必先反鄭司農

云追冠名士冠禮記曰委貌周道也韋甫殷道也母追夏后氏之道也追師掌冠冕之官故并主王后之首服

副者婦人之首服祭統曰君卷冕立于阼夫人副雉立  
于東房斷維持冠者春秋傳曰斷統紕紕玄謂副之言  
覆所以覆首為之飾其遺象若今步繇矣服之以從王  
祭祀編編列髮為之其遺象若今假紕矣服之以祭也  
次次第髮長短為之所謂髮髻服之以見王王后之燕  
居亦纚笄總而已追猶治也詩云追琢其璋王后之衡  
笄皆以玉為之唯祭服有衡垂于副之兩旁當耳其下  
以純縣瑱瑱詩云玼兮玼兮其之翟也鬋髮如雲不肩髻  
也玉之瑱也是之謂也笄卷髮者外內命婦衣鞠衣禮  
衣者服編衣祿衣者服次外內命服非王祭祀賓客佐  
后之禮自於其家則亦降焉少牢饋食禮曰主婦發鬋  
衣侈袂持牲饋食禮曰主婦纚笄宵衣是也昏禮女次  
純衣攝盛服耳主人爵弁以迎移袂祿衣之袂凡諸侯  
夫人于其國衣服與王后同冠禮古亂反毋追音牟  
甚古本反純丁敢反紕音宏紕以然反羊戰反繇以招  
反紕音計髮皮奇反髻大計反見鬋適反纚所買反所

綺反縣音玄填它見反髻大計反沈音剃卷髮春免反羌  
權反衣鞠衣緣于既反夥昌氏反純側其反徐如字  
疏曰云掌王后之首服者對夏官弁師掌男子之首服  
首服則副編次也云追衄衄者追治玉石之名謂治玉  
為斷筭也云為九嬪及外內命婦之首服者此云及則  
與上內司服同亦是言及殊貴賤九嬪下不言世婦文  
略則外命婦中有三公夫人卿大夫等之妻內命婦中  
唯有女御也云以待祭祀賓客者亦謂助后而服之也  
又曰司農云追冠名者見士冠禮夏后氏牟追故引士  
冠為證先鄭云追師掌冠冕之官故并主王后之首服  
者此鄭意以追師掌作冠冕弁師掌其成法若縫人掌  
縫衣別有司服內司服之官相似故有兩官共掌男子  
首服也後鄭不從者此追師若兼掌男子首服亦當如  
下條人職云掌王及后之服屨兼王為文今不云王明  
非兩官共掌此直掌后已下首服也又引祭統者證副  
是首飾又引春秋者是桓二年臧哀伯辭彼云衡統紘

疑則據男子之衡引證此者司農意男子婦人皆有衡  
後鄭意亦爾但後鄭于此經無男子耳玄謂副之言覆  
所以覆首為之飾者副者是副貳之副故轉從覆為蓋  
之義也云其遺象若今步繇矣漢之步繇謂在首之時  
行步繇動此據時目驗以曉古至今去漢久遠亦無以  
知之矣案詩有副笄六加謂以六物加于副上未知用  
何物故鄭注詩云副既笄而加飾古之制所有未聞是  
也云服之以從王祭祀者鄭意三翟皆首服副祭祀之  
中含先王先公羣小祀故以祭祀摠言之也云編編列  
髮為之者此鄭亦以意解之見編是編列之字故云編  
列髮為之云其道象若今假紒矣者其假紒亦是鄭之  
目驗以曉古至今亦不知其狀也云服之以桑也者上  
注鞠衣以告桑此下注及鄭答志皆云展首服編此直  
據鞠衣服之以桑不云展衣者文略其編亦兼于展衣  
也云次次第髮長知為之者此亦以意解之見其首服  
而云次明次第髮長短而為之云所謂髮髻者謂少牢

主婦髻髻即此次也言髻髻者髻髮也謂剪髻取髻者  
刑者之髮而為髻鄭必知三翟之首服副鞠衣展衣首  
服編祿衣首服次者王之祭服有六首服皆冕則后之  
祭服有三首服皆副可知昏禮女次純衣純衣則祿衣  
祿衣而云次則祿衣首服次可知其中唯有編明配鞠  
衣展衣也云服之以見王者上注展衣云以禮見王則  
展衣首服編以禮見王此又云次以見王者則見王有  
二一者以禮朝見于王與見賓客同則服展衣與編也  
一者祿衣首服次接御見王則此祿衣與次則此注見  
王是也故二者皆云見王耳云王后之燕居亦纁笄總  
而已者紫士冠禮纁長六尺以韜髮笄者所以安髮總  
者既紫其本又總其末燕居謂不至王所自在燕寢而  
居時也紫鷄鳴詩云東方明矣朝既昌矣毛云東方明  
則夫人纁笄而朝但諸侯夫人于國衣服與王后同而  
得服纁笄而朝者此經云副編次以待祭祀賓客明燕  
居不得著次自熊著纁笄而毛云著纁笄朝者毛更有

所見非鄭義若然彼鄭不破之者以其纓笄燕居無正文故且從毛也其時朝王時首服編也引詩追琢其章者證追是治玉石之名云王后之衡笄皆以玉爲之者以弁師王之笄以玉故知后與王同用玉也弁師云諸公用玉爲瑱詩云王之瑱也據諸侯夫人與三公夫人同服用玉瑱明衡笄亦用玉矣其三夫人與三公夫人同服翟衣明衡笄亦用玉矣其九嬪命婦等當用象也云唯祭服有衡知者見經后與九嬪以下別言明后與九嬪以下差別則衡笄唯施于翟衣取鞠衣以下無衡矣又見桓二年衮伯云衮冕蔽珽帶裳幅舄衡紘紃並據男子之冕祭服而言明婦人之衡亦施于三翟矣故鄭云唯祭服有衡也鞠衣以下雖無衡亦應有紘以懸瑱是以詩云充耳以素以青以黃是臣之紘以懸瑱則知婦人亦有紘以懸瑱也云垂于副之兩旁當耳其下以紘懸瑱者傳云衡紘紃紃與衡連明言紘爲衡設矣笄既橫施則衡垂可知若然衡訓爲橫既垂之又得

為橫者其筭言橫據在頭上橫貫為橫此衡在副旁當耳據人身豎為從此衡則為橫其衡下乃以純懸瑱也引詩者彼鄘風注云玼鮮明貌鬣黑髮如雲言美長也屑用也鬣髮也引之者證眼瞿衣首有玉瑱之義故云是之謂也其純之采色瑱之玉石之別者婦得服翟衣者純用五采瑱用玉自餘鞠衣以下純則三采瑱用石知義然者案著詩云充耳以素鄭彼注云謂從君子而出至于著君子衣之時也我視君子則以素為充耳謂所以懸瑱者或名為純織之人君五色臣則三色而已此言素者目所先見而云下云尚之以瓊華注云美石彼下經又云充耳以青充耳以黃據臣三色故云人君五色矣詩云玉之瑱據君夫人云用玉則臣之妻與夫同美石彼毛注以素為象瑱鄭不從者若素是象瑱文何以更云瓊華瓊英之事乎故鄭以為純也云笄者髮者鄭注喪服小記亦云笄帶所以自褻持云外內命婦夜鞠衣禮衣者服編衣袷衣者服次知者案昏禮云女



次純衣純衣則祿衣據士服爵弁親迎攝盛則士之妻  
服祿衣首服次亦攝盛祿衣既首服次三翟首服副鞠  
衣禮衣首服編可知云外內命婦非正祭祀賓客佐后  
之禮自于其家則亦降焉知者大夫妻服禮衣首服編  
士妻服祿衣首服次少牢特牲是大夫士妻特牲云主  
婦纁笄宵衣少牢云主婦髮鬋衣移袂但大夫妻移袂  
為異又不服編故知自于其家則降是以即引少牢為  
證耳云移袂祿衣之袂者此鄭復解少牢主婦衣移袂  
者是移祿衣之袂上既云移袂今又云移祿衣之袂不  
同者但士之妻服緇服祿衣助祭及嫁時不移其袂今  
大夫妻緇衣移而以祿衣袂者以大夫妻與士妻緇衣  
名同不得言移于緇衣之袂故取祿衣也云凡諸侯夫  
人于其國衣服與王后同者以其諸臣之妻有助后與  
夫人祭之事諸侯夫人無祭助后之事故自于本國衣  
祿得與王后同也所同者上公夫人得祿衣已下至祿  
衣祿衣從若見大祖禴翟從若祭羣廟闕翟從若祭羣

小祀鞠衣以杏条展衣以禮見君及賓客祿衣以接御  
侯伯夫人得綌翟已下綌翟從君見太祖及羣廟閼翟  
已下與上公夫人同子男夫人得閼翟已下閼翟從君  
見太祖及羣廟與羣小祀鞠衣已下與侯伯同並纁笄  
繡衣以燕居也二王之後與魯夫人亦同上公之禮故  
明堂位云季夏六月以禘禮祀周公于太廟夫人綌衣  
是也  
天官

內司服掌王后之六服祿衣綌翟閼翟鞠衣

展衣緣衣素沙

律音暉綌音遙鞠居六反又邱六反展  
張考反注同緣或作祿吐亂反鄭司

禮云祿衣畫衣也祭統曰君卷冕立于阼夫人副褕立  
于東房綌衣閼翟畫羽飾展衣白衣也喪大記曰復者  
朝服君以養夫人以屈狄世婦以禮衣屈者音聲與閼  
相似禮與展相似皆婦人之服鞠衣黃衣也素沙赤衣  
也玄謂狄當為翟翟雖名伊雖而南素質五色皆備成  
章曰綌江淮而南青質五色皆備成章曰褕王后之服

刻繒為之形而采畫之綴于衣以為大章祿衣畫翬者  
綸翟畫搖者闕翟刻而不畫此三者皆祭服從王祭先  
王則服祿衣祭先公則服綸翟祭羣小祀則服闕翟今  
世有去衣者蓋三翟之道俗鞠衣黃桑服也色如鞠塵  
象桑葉始生月令三月薦鞠衣于先帝告桑事展衣以  
禮見王及賓客之服字當為襜褕之言寬寬誠也詩國  
風曰玼兮玼兮其之翟也下云胡然而天也胡然而帝  
也言其德當神明又曰玼兮玼兮其之展也下云展如  
之人兮邦之媛也言其行配君子二者之義與禮合矣  
離記曰夫人蒔稅衣綸狄又喪大記曰士妻以祿衣言  
祿者甚衆字或作稅此祿衣者實作祿衣也祿衣御于  
王之服亦以燕居男子之祿衣黑則是亦黑也六服備  
于此矣祿綸狄展襜相近綠字之誤也以下推次其色  
則闕狄赤綸狄青祿衣玄婦人尚專一德無所兼連衣  
裳不異其色素沙者今之白紵也六服皆袍制以白紵  
為裏使之張顯今世有沙縠者名出于此

卷古本反

朝直還反屈音闕禮張彥反輦音暉見王賢遍反翫音  
此劉倉我反援音緩行下孟反稅吐亂反縛音緇又升  
卷反升緇反張如字徐音帳疏曰云掌王后之六服  
者自緯衣至豫衣是六緯衣者亦是輦而云衣者以其  
衣是服之首故曰言衣也緯當為輦即輦雖其色玄也  
綸狄者綸當為搖狄當為翟則搖雖其色青也閼狄者  
其色赤上一翟則刻繒為雉形又畫之此閼翟亦刻為  
雉形不畫之為綜色故名閼狄也此三狄皆祭服也鞠  
衣者色如鞠塵色告桑之服也展衣者色白朝王及見  
賓客服緣當為祿祿衣者色黑御于王服也素沙者此  
非服名六服之外別言之者此素沙與上六服為裳使  
之張顯但婦人之服不殊裳上下連則此沙素亦上下  
連也王之吉服有九韋弁已下常服有三與后鞠衣已  
下三服同但王之祭服有六后祭服唯有三翟者天地  
山川社稷之等后夫人不與故三服而已必知外神后  
夫人不與者案內宰云祭祀裸獻則贊天地無裸言裸

唯宗廟又內宗外宗佐后皆云宗廟不云外神故知后於外神不與是以白虎通云周官祭天后夫人不與者以其婦人無外事若熊哀公問云夫人為天地社稷主者彼見夫婦一體而言也又曰司農云祥衣畫衣也者先鄭意祥衣不言狄則非翟雉知畫衣者以王之冕服而衣畫故知后衣畫也又引祭統者彼據二王後夫人助祭服禕衣與后同也揄狄闕狄畫羽飾者以其言狄是翟羽故也云展衣白衣也者見鞠衣黃以土色土生是金色白展衣文承鞠衣之下故知展衣白也引喪大記證闕狄與展衣為婦人服故也彼若以卷據上公而言夫人以屈翟據子男夫人復時互見為義云世婦以禮衣者彼亦據諸侯之世婦用禮衣復之所用也云鞠衣黃衣也素沙赤衣也者先鄭意以素沙為服名又以素沙為赤色義無所據故後鄭不從之玄謂狄當為翟者破經二狄從翟雉之翟也伊洛而南已下至曰搖皆爾雅之言伊水而南有雉素白為質兼青赤黃黑五色

皆備成其文章曰翬雉云江淮而南素質五色皆備有以成文章曰搖雉玄引此者證禕揄爲雉也又云翬衣畫翬者以先鄭禕衣不言翟故增成搖狄畫搖者亦就足先鄭之義云闕翟刻而不畫者此無正文直以意量之言翟而如闕字明亦刻繒爲雉形但闕而不畫五色而已云此三者皆祭服者對鞠衣以下非祭服也云從王祭先王則服禕衣祭先公則服搖翟祭羣小祀則服闕翟鄭言此者欲見王后無外事唯有宗廟分爲二與王祀先王袞冕先公鷩冕同差羣小祀王玄冕故后服闕翟也云今世有圭衣者蓋三翟之遺俗者漢時有圭衣刻爲圭形綴于衣是由周禮有三翟別刻繒綴于衣漢俗尚有故云三翟遺俗也云鞠衣黃桑服也者謂季春將蠶后服之告先帝養蠶之服云色如麴塵不爲麴字者古通用云象桑葉始生者以其桑葉始生即養蠶故服色象之引月令者證鞠衣所用之事故云告桑事也云展衣以禮見王及賓客之服知義然者以其鞠衣

在上告桑之服。祿衣在下。御于王之服。展衣在中。故以  
為見王及賓客之服。但后雖與王禮敵。夫尊妻卑。仍相  
朝事與賓同。諸侯為賓客于王后。助王灌饗。賓客則后  
有見賓客之禮。是以亦服展衣也。云字當為禮。禮之言  
重。重誠也。者。案禮記作禮。詩及此文作展。皆是正。支鄭  
必讀從禮者二字不同。必有一誤。禮字依傍為之。有衣  
義且爾。爾雅展重。雖同訓為誠。展者言之誠。重者行之誠。  
貴行賤言。禮字以重為聲。有行誠之義。故從禮也。又引  
詩者。鄙風刺宣姜淫亂。不稱其服之事。云其之翟也。胡  
然而天也。胡然而帝也。言其德當神明。又曰其之展也。  
展如之人。今邦之媛也。言其行配君子。云二者之義與  
禮合矣。者。言服翟衣尊之如天帝。比之如神明。此翟與  
彼翟俱事神之衣服。展則為邦之媛。明展衣朝事君子  
之服。是此禮見王及賓客服。故云二者之義與禮合。若  
然。內則注夫人朝于君。次而祿衣也。者。彼注謂御朝也。  
引離記及喪大記者。欲破祿衣為祿衣之事。云字或作

稅者或雜記文故雜記云夫人稅衣又云狄稅素沙並  
作稅字亦誤矣故云此緣衣者實祿衣也云祿衣御于  
王之服亦以燕居者素尚書多士傳云古者后夫人侍  
于君前息燭後舉燭至于房中釋朝服然後入御于君  
注云朝服展衣君在堂大師鷄鳴于簷下然後后夫人  
鳴佩玉于房中告燕服入御以此而言云釋展衣朝服  
告以燕服然後入御明入御之服與燕服同祿衣以其  
展衣下唯有祿衣故知御與燕居同祿衣也以其御與  
燕居同是私褻之處故同服云男子之祿衣黑則是亦  
黑也者男子祿衣黑禮雖無文案士冠禮陳服于房爵  
弁服皮弁服玄端服至于士喪禮陳襲事于房亦云爵  
弁服皮弁服祿衣祿衣當玄端之處變言之皆冠時玄  
端衣裳別及死襲時玄端連衣裳與婦人祿衣同故雖  
男子之玄端亦名祿衣又見子羔襲用祿衣黼紳譏襲  
婦服黼紳與玄衣相對之物則男子祿衣黑矣男子祿  
衣既黑則是此婦人祿衣亦黑可知鄭言此者以六服



之色無文欲從下向上推次其色以此為本故言之也  
云六服備于此矣者經傳云婦人之服多矣文皆不備  
言六服唯此文為備故言六服備于此矣鄭言此者亦  
欲推次六服之色故也云律掄狄展聲相近者律與鞞  
掄與搖狄與翟展與襪四者皆是聲相近故云誤也云  
緣字之誤也者緣與襪不得為聲相近但字相似故為  
字之誤也云以下推次其色則闕翟赤掄翟青褙衣玄  
者王后六服其色無文故須推次其色言推次者以鞠  
衣象翹塵其色黃褙衣與男子褙衣同其色黑二者為  
本以五行之色從下向上以次推之水色既黑褙衣象  
之水生于金褙衣上有展衣則展衣象金色白故先鄭  
亦云展衣白衣也金生于土土色黃鞠衣象之土生于  
火火色赤鞠衣上有闕翟則闕翟象之赤矣火生于木  
木色青闕翟上有掄翟象之青矣五行之色已盡六色  
唯有天色玄褙衣最在上象天色玄是其以下推次其  
色也云婦人尚專一德無所兼連衣裳不異其色者案

喪服上云斬衰裳下云女子髻衰三年直言衰不言裳則連衣裳矣又昏禮云女次純衣亦不言裳是其婦人連衣裳裳衣既連則不異其色必不異色者為婦人尚專一德無所兼故也云素沙者今之白縹也者素沙為衰無文故舉漢法而言謂漢以白縹為衰以周時素沙為衰耳云六服皆袍制以白縹為衰使之張顯者素雜記云子羔之襲爾衣裳則是袍矣男子袍既有衣裳今婦人衣裳連則非袍而云袍制者正取衣複不單與袍制同不取衣裳別為義也云今世有沙縠者名出于此者言漢時以縠之衣有沙縠之名出于周禮素沙也

辨外內命婦之服鞠衣展衣緣衣素沙

內命婦之服鞠衣九嬪也展衣

世婦也緣衣女御也外命婦者其夫狄也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯伯之夫人掄狄子男之夫人亦闕狄唯二王後祿衣疏曰上言王后六服此掄外

內命婦不得有六服唯得鞠衣以下三服尊卑差次服之而已亦以素沙為裏故云素沙也又曰鄭以內命婦無過三夫人以下外命婦無過三公夫人已下但經云鞠衣已下則三夫人三公夫人同皆得闕伏已下則此命婦之中無三夫人及三公夫人矣故內命婦從九嬪為首也鄭必知九嬪已下服鞠衣以下者但九嬪下有世婦女御三等鞠衣已下服亦三等故知鞠衣以下九嬪也展衣已下世婦也豫衣女御也云外命婦者其夫孤也則服鞠衣其夫卿大夫也則服展衣其夫士也則服祿衣者此約司服孤歸冕卿大夫同玄冕士皮弁三等而官之孤已下妻其服無文故以此三等之服配三等臣之妻也孤妻亦如九嬪三服俱得也卿大夫妻亦如世婦展衣綠衣俱得也士妻祿衣而已但司服孤卿大夫士父承諸侯之下皆據諸侯之臣而言若然諸侯之臣妻亦以次受此服是以王孫云若命闕伏再命褱衣一命褱衣士祿衣注云此子男之夫人及其卿大夫

士之妻命服也。禕當為鞠詣侯之臣，皆分為三等。其妻以次受此服。若然，五等諸侯之臣命雖不同，有孤之國，祇婦冕卿大夫同玄冕無孤之國，則卿婦冕大夫玄冕。其妻皆約夫而服此三等之服。其天子之臣服無文，亦得與諸侯之臣服同。是以此外命婦服得亦與諸侯臣妻服同也。云三夫人及公之妻，其闕狄以下手者，婦人之服有六：從下向上，差之內命婦三夫人當服闕狄外命婦三公夫人亦當闕狄。若三夫人從上向下，差之則當揄狄。是以玉藻云：王后祿衣，夫人揄狄。註：夫人三夫人若三公夫人，不得過闕狄。知者，射人云：三公執璧與子男執璧同。則三公亦執冕。玉藻君命屈狄，據子男夫人則三公之妻當闕狄。三夫人其服不定。三公夫人又無正文，故揄云乎以疑之也。云侯伯之夫人揄狄，子男夫人亦闕狄。唯二王之後祿衣，皆玉藻云：夫人揄狄。夫人三夫人亦侯伯之夫人。鄭必知侯伯夫人揄翟者，以玉藻云：君命屈狄，再命鞠衣，一命禮衣。夫並是子男之

國關狄既當子男夫人以上差之侯伯夫人自然當  
揄狄二王後夫人當禕衣矣案喪大記云復君以卷  
注云上公以袞則夫人用禕衣又案隱五年公羊云  
諸公者何天子三公稱公若然天子三公有功加命  
服袞冕其妻亦得服禕衣矣此經直云二王後不云  
三公之內上公夫人者以其八命則義冕夫人服關  
翟不定故不言若然喪大記注云公之夫人容三公  
夫人兼二王後夫人矣明堂位云夫人副禕是魯之  
夫人亦得禕衣故彼鄭注副禕王后之上服唯魯及  
王者之後夫人服之以此而言則此注亦含有九命  
上公夫人與

魯夫人同也

凡祭祀共后之衣服及九嬪世婦凡

命婦共其衣服

凡者凡女御與外命婦也言及言凡殊貴賤也春秋之義王人雖微

者猶序乎諸侯之上所以尊尊也臣之命者再命  
以上受服則下士之妻不共也外命婦唯王祭祀

賓客以禮佐后得服此上服自於其家則降焉疏  
曰上陳尊卑以次受服之事此文陳所用之時云凡  
祭祀者婦人無外事言凡祭祀唯據宗廟大小祭祀  
云賓客者謂后助王灌饗諸侯來朝者云共后之衣  
服者祭祀共三翟賓客共展衣云九嬪世婦者謂助  
后祭祀賓客時云凡命婦者兼外內命婦也又曰鄭  
知凡內命婦唯有女御者此上文外內命婦服唯有  
鞠衣已上此經上已云九嬪世婦則內命婦中唯有  
女御也其外命婦中則有孤妻已下云言及言凡殊  
貴賤也者言及者欲見九嬪賤于后言凡者欲見外  
命服及女御賤于世婦也云春秋之義王人雖微者  
猶序于諸侯之上所以尊尊也者以其內命婦中女  
御卑于世婦可以言凡以殊之于外命婦中有公孤  
卿大夫之妻尊于女御而使外命婦摠入女御中言  
凡以殊之者案僖公八年春王正月公會王人齊  
侯宋公以下盟于洮傳曰王人者何微者也曷為

序平諸侯之上先王命也是以微者即士以其天子中  
士已上于經見名氏以天子下士名氏不見于經今直  
云人是天子下士序在諸侯上是尊王命若九嬪雖卑  
于三公夫人世婦卑于孤卿妻言凡以殊之在上亦是  
尊尊此王之嬪婦也云臣之命者再命以上受服則下  
士之妻不共也者此約大宗伯男子之服彼云一命受  
職再命受服則天子上士三命中士再命乃受服天子  
下士一命則不受故鄭云下則不共也云外命婦唯王  
祭祀賓客以禮佐后得服此上服者案此上經士妻緣  
衣大夫妻展衣素特牲主婦纁笄綃衣少牢主婦纁  
衣侈袂士妻不衣祿衣大夫妻侈綃衣袂不衣展衣如  
其夫自於家祭降服是自于其家則降上經祭祀賓客  
共后之服是外命婦助后祭  
祀賓客乃服上服也同上

王后祿衣夫人揄狄

禮

如聲揄讀如搖聲揄皆翟雉名也刻繒而畫之著于衣  
以為飾因以為名也後世作字異耳夫人三夫人亦侯

伯之夫人也王者之後夫人亦祿衣疏曰此一節論王后以下命婦之服王后祿衣者祿讀為輦謂畫輦于衣六服之最尊也夫人揄狄者揄讀如搖狄讀如翟謂畫搖翟之雉于衣謂三夫人及侯伯夫人也又曰案鄭注內司服引爾雅釋鳥伊雖而南素質五色皆備成章曰輦江淮而南青質五色皆備成章曰輦鄭又云王后之服刻繒為之形而采畫之綴于衣以為文章祿衣畫者揄翟畫搖者闕翟刻而不畫從王祭先王則服祿衣祭先公則服揄翟祭羣小祀則服闕翟鞠衣黃桑服也色如鞠塵服之以告桑扈衣以禮見王及賓客祿衣御于王之服闕翟亦搖翟青鞞衣玄鞠衣黃展衣白祿衣黑又鄭志云三狄首服副副覆也所以覆首為之飾其遺象若今步繇矣鞠衣首服編編列髮為之其遺象若今假紒矣展衣祿衣首服次次第髮長短為之所謂髮髻若燕居之時則亦祿衣纓弁總而已其六服皆以素沙為裏故內司服陳六服之下云素沙鄭注云六服



皆袍制以白縛為裳云夫人三夫人亦侯伯之夫人也  
者以經云王后祿衣則云夫人揄狄其文相次故以夫  
人為三夫人但三夫人與三公同對王為屈三公執璧  
與子男同則三夫人亦當與子男夫人同故鄭注司服  
疑而不定云三夫人其闕狄以下乎為兩解之也云王  
者之後夫人亦祿衣者以禮記每云君衮冕夫人副祿  
王者之後自行正朔與天子同故祭其先王服上服也  
若祭先公則降馬魯祭文王周公其夫人亦祿衣故明  
堂位云君衮冕立于阼夫  
人副祿立于房中是也

君命屈狄再命祿衣一命禮

衣士祿衣

此子男之夫人及卿大夫士之妻命服也

衾當為鞠字之誤也禮天子諸侯命其臣后夫人亦命  
其妻以衣服所謂夫尊于朝妻榮于室也子男之卿再  
命而妻鞠衣則鞠衣禮衣祿衣者諸侯之臣皆分為三  
等其妻以次受此服也公之臣孤為上卿大夫次之士

次之侯伯子男之臣卿爲上大夫次之士次之祿或作  
說統曰君命屈狄者君謂女君子男之妻也彼后所  
命故云君命屈狄者屈闕也狄亦翟也直刻雄形闕其  
衣者故云闕翟也再命褱衣者再命謂子男之卿褱當  
爲鞠謂子男卿妻服鞠衣也一命褱衣者禮展也子男  
大夫二命其妻服展衣也士褱衣者謂子男之士不命  
其妻服褱衣鄭注士喪禮褱之言緣黑衣裳以赤緣之  
又曰以禮君命其夫后命其婦則子男之妻不得受天  
子之命故以爲君謂女君是子男之妻受后之命或可  
如君謂后也命子男妻故云君命云此子男之夫人及  
其卿大夫士之妻命服也者以典命云子男之卿再命  
其大夫一命其士不命此云再命褱衣一命褱衣士褱  
衣又承闕狄下正與子男同故知據子男夫人及卿大  
夫士之妻也褱衣是王后之服故疑當爲鞠衣云子男  
之卿再命而妻鞠衣則鞠衣褱衣褱衣者諸侯之臣皆  
命爲三等其妻以次受此服也者鄭爲此言發明諸侯

臣之妻唯有三等之服云公之臣孤為上卿大夫次之士次之者以司服云孤縮冕而下卿大夫玄冕而下士皮弁而下此謂上公臣為三等云侯伯子男之臣卿為上大夫次之士次之者以此經再命鞠衣一命禮衣士祿衣士與大夫不同又與命子男之卿再命大夫一命士不命尚分為三等侯伯之卿三命大夫再命士一命是亦三等可知

唯世婦命於奠繭其他則皆從男子

奠猶

凡世婦以下蠶事畢獻繭乃命之以其服天子之后夫人九嬪及諸侯之夫人夫在其位則妻得服其服矣疏曰唯世婦命於奠繭者世婦謂天子二十七世婦以下也奠獻也獻繭謂世婦及命婦入助蠶畢獻繭也凡夫尊于朝妻貴于室皆得各服其命服今唯世婦及卿大夫之妻並卑雖已被命猶不得即服命服必又須經入助蠶蠶畢獻繭繭多功大更須君親命之著服乃得服耳故云命于奠繭其他則皆從男子者其他謂后夫

人九嬪及五等諸侯之事也其大得命則其妻則著命服不須奠醢之命故云皆從男子又曰凡獻物必先奠于地故云奠猶獻也云凡世婦以下蠶事畢獻醢乃命之者三夫人九嬪其位既尊不須獻醢自能得命也世婦以下位卑因獻醢乃得命言以下則女御亦能經唯云世婦舉其貴者玉藻

## 右祭服

小史大祭祀讀禮灋史以書序昭穆之俎簋

讀禮灋者大史與羣

執事史此小史也言讀禮灋者小史叙俎簋以為節故書簋或為几鄭司農云几讀為執書亦或為簋古文也  
大祭祀小史主叙其昭穆以其主定祭世祭祀史主叙其昭穆次其俎簋故齊景公疾欲誅于祝史玄謂俎簋牲與黍稷以書次之校比之疏曰此言叙昭穆之俎簋則非外神耳則大祭祀唯謂祭宗廟三年一禘之時

有尸主兼序昭穆俎簋也又曰鄭知讀禮法是大史與  
掌執事者大史職云大祭祀戒及宿之日與羣執事讀  
禮書而協事彼云禮書即此禮法也云言讀禮法者小  
史叙俎簋以為節者謂大史讀禮法之時小史則叙昭  
穆及俎簋當依禮法之節按比之使不差錯故俎及簋  
云為節也齊景公事在昭二十年左氏傳彼傳公有疾  
語晏子曰據與款謂寡人能事鬼神  
故欲誅于祝史是其事也 春官

司几筵王設莞

筵紛純加繅席畫純加次席黼純左右玉几

莞音官又音丸純章

允反之闕反又音均 鄭司農云紛讀為幽又讀為和  
粉之粉謂白繡也純讀為均服之均純緣也繅讀為蓀  
車之蓀次席虎皮為席玄謂粉如綬有文而狹者繅席  
削蒲藟展之編以五采若今合歡矣畫謂雲氣也次席  
桃枝席有次列成文 率音律 疏曰凡數席之法初  
在地者一重即謂之筵重在上者即謂之席已下皆然

故鄭注序官云數陳曰筵藉之曰席祀先王設在廟與及堂玉几惟於王馮及鬼神所依皆左右几其雕几以下非王所馮生人則几在左鬼神几在右是以下文諸侯祭祀云右雕几國賓云左彤几若受酢席未必有几故下文祀先王昨席不言几及諸侯酢席亦不云几也司農云紛讀為幽于義不安故更云又讀為和粉之粉謂白繡也純讀為均服之均者按僖五年左傳卜偃云均服振振取覲之旗賈服杜君等皆為均均同也但司農讀為均均即準音與純同故云純緣也云繅讀為藻率之藻者讀從桓二年臧哀伯云藻率鞞鞶厲苒纓此並取彼義也云次席虎皮為席者此見熊席故為虎皮後鄭不從也引尚書者證王馮玉几之義也玄謂粉如綬有文而狹者此見漢世綬是薄帔有文章而狹以為席之緣故言之也鄭知繅席削蒲翦展之編以五采若今合歡矣者漢有合歡席如此故還舉漢法況之也云畫謂雲氣也者鄭于經但單言畫皆以畫雲氣解之

蓋五色雲為之文也云次席挑枝席有次列成文者鄭亦見漢世以挑枝竹為席次第行列有成其文章故言之祀先王昨席亦如之鄭司農云昨席于主階設席王

及王受酢之席尸卒食王醕之卒爵祀受之又酌授尸尸酢王于是席王于戶內后諸臣致爵乃設席疏曰祀先王謂宗廟六享皆用上三種席酢席謂王醕尸尸酢王王受酢之席亦如上三種席故云亦如之又曰司農云昨席于主階設席王所坐也者此約鄉飲酒禮主人在阼階賓在戶牖間主人受酢王行飲酒禮亦然此酢文承祀先王下即是祭禮受尸酢不得為凡常飲酒禮故後鄭不從也後鄭知王有受尸酢法者謂若鬯人注引特牲少牢此注亦取彼義故云尸卒食王醕之卒爵祝受之又酌授尸尸酢王于是席王于戶內也案特牲少牢主人受酢之時未設席夫婦致爵乃設席今王于受酢即設席者優至尊與大夫士禮異知席王在戶

內者約特牲主人受酢時在戶內之東西南也云后諸臣致爵乃設席者此亦約特牲夫婦致爵之時有席若熊王于酢有席與彼異至于后即與彼同者禮有損之而益故后不得與王同宜同士禮案特牲無致爵于賓長之法而此言諸臣致爵者此王于諸臣亦無致爵禮此致爵謂醕尸訖主人獻賓長于西階之上謂之致爵也特牲主人致爵于主婦席于東房中此亦熊其諸臣案特牲獻賓長于西階上無席獻訖以薦俎降降設于西階下亦無席此諸臣有席者亦是王諸侯祭祀席之臣尊宜設席乃以薦俎降設于席東也

蒲筵績純加莞席紛純右雕几

績畫文也不莞席如繅者繅柔濡不如莞清堅

又於鬼神宜 儒本或作儒又作濡同如充反 疏曰此經論諸侯禘祫及四時祭祀之席皆二種席也又曰上文畫純者畫雲氣此云績即非畫雲案績人職對方為績是對方為次畫于繒帛之上與席為緣也云不莞



席加縹者縹柔縹不如莞清堅又於鬼神宜者案上文天子祭祀席與酢席同此下文諸侯受酢席下莞上縹今祭祀席下蒲上莞以是故鄭以下文決此今諸侯祭祀席不亦如下文莞席加縹者以其縹柔縹不如莞清堅于鬼神宜即于生人不宜故下文生人縹在上為宜也又不以縹在莞下縹尊不宜在莞下故用蒲替之也

昨席莞筵紛純加縹席畫純

昨讀亦曰酢疏曰諸侯醕尸酢主君亦於戶內

之東西面設此二席又曰案禮記禮器云天子之席五重諸侯三重今天子唯三重諸侯二重者彼云五重者據天子大祫祭而言若祫祭當四重時祭當三重皆用此三重席耳故此唯見三重席也諸侯三重上公當四重亦謂大祫祭時若祫祭降一重諸侯二重祫與時祭同卿大夫已下特牲少牢唯見一重耳

凡吉事

變凡凶事仍几

故書仍為乃鄭司農云變凡變更其質謂有飾也乃讀為仍仍因也因其實謂

無飾也爾雅曰儀仍因也書顧命曰翌日乙丑成王崩  
癸酉牖間南嚮西序東嚮東序西嚮皆仍几玄謂吉事  
王祭宗廟裸于室饋食于堂釋于坊每事易几神事文  
示新之也凶事謂凡奠几朝夕相因喪禮略疏曰先  
鄭云變更其質謂有飾又以仍几為因其質謂無飾後  
鄭不從者以司農就几體解之所引尚書仍几乃是前  
後相因不得為几體故不從也且上文云右素几于凶  
几無飾已有文何須此亦云仍几為無飾乎皆其言不  
經故不從也引顧命者案彼經云牖間南嚮華玉仍几  
西序東嚮文貝仍几東序西嚮雕玉仍几西夾南嚮漆  
仍几孔云因生時几皆有飾而先鄭引之者先鄭意直  
取仍因之義不須無飾也玄謂吉事祭宗廟裸于室者  
洛誥云王入大室裸是也云饋食于堂釋于坊者案禮  
器云設祭于堂為坊于外是直云饋食于堂謂饋獻節  
據有熟故言饋食其實未有黍稷又不言朝踐者朝踐  
與饋獻同在堂故略而不言也又饋獻後更延尸入室

進奉授尸食之事不言者以其還依裸于室之几故亦略而不言也云凶事謂凡奠者即上文凡喪事右素几是也此文見凡奠几相因不易之意案檀弓云虞而立尸有几筵者據大夫士而言案士喪禮大斂即有席而云虞始有筵者以其几筵相對連言其實虞時有几其筵大斂即有也天子諸侯禮大初死几筵並有故上云凡喪事設葦席右素几也凡几之長短阮誥云几長五尺高二尺廣二尺馬融以為長三尺舊圖以為几兩端也

赤中央黑同上

### 天府凡國之王鎮大寶器藏焉若有大祭

則出而陳之既事藏之

玉鎮大寶器玉瑞玉器之美者  
玉璋陳之以華國也故書鎮作

瑱鄭司農云瑱讀為鎮

疏曰云玉鎮大寶器藏焉者

若典瑞掌其凡瑞器故典瑞云掌玉瑞玉器之藏雖其

名物與其用事設其服飾其美者天府掌之又曰鄭知玉鎮大寶器是玉瑞玉器之美者此云玉鎮即大宗伯

云以玉作六瑞鎮圭之屬即此寶鎮也彼又云以玉作六器養瑩禮天之屬即此寶器也知是玉瑞玉器之美者以別入此天府故知簡取美者未入也

鄭和稀洽者經云大祭祀設知也

同上

### 典庸器祭

祀帥其屬而設筭虞陳庸器

設筭虞視瞭當以懸樂器馬庸器伐國所獲之器若

崇鼎貫鼎及以其兵物所鑄銘也疏曰屬功也言功器者伐國所獲之器也陳之以華國也云若崇鼎貫鼎者明堂位文云及以其兵物所鑄銘也者謂左氏傳季氏以所得齊之兵作林鍾而銘魯功是經中樂器也彼既譏其非時征伐又藉音之功引之

取一遵證鑄作銘功之事耳

同上

### 肆師展器陳告

備疏曰云展器陳告備者謂祭日旦于堂東陳祭器實之既訖則又展省視之而告備具故云展器陳告備

也同上

右陳設 記鋪筵設同几

鋪 普胡反 同之言 詞也 祭者以其妃配亦不

特几也 疏曰鋪筵設同几者故之曰筵坐之曰席同之言詞詞共也言人生時形體異故夫婦別几死則魂氣同歸于此故夫婦共几鋪席設几使神依之設此夫婦所共之几席亦共之必云同几者筵席既長几則短小恐其各設故特云同几云同之言詞也者若單作同字是齊同之同非詞共之詞所以物有異類而同時也則同死同生同出同入之類不齊其物異也若詞共之詞則言旁作同故古文字林皆訓詞為共是漢魏之時字義如此是以諸同為詞今則摠為一字云祭者以其妃配者儀禮少牢文謂祭夫祝辭云以某妃配云亦不特几也者謂不但特設其辭亦不特設几謂祝辭與几皆同于夫不特設也故鄭注司几筵云祭于廟同几精氣合也 祭統

鬼神

之祭單席

疏曰鬼神之祭單席者神道異人不假多重自溫故單席也

廟

堂之上罍尊在阼犧尊在西廟堂之下縣鼓在西

應鼓在東

注疏見下餘  
獻條 禮器

玄酒在室醴醕在戶粢

醕在堂澄酒在下

注疏見下餘  
獻條 禮運

君夫人會於大廟君純冕立於阼夫人副褱立於東房

君執圭瓚裸尸大宗執璋瓚亞裸

純側其反瓚才旦反  
大廟始祖廟也圭

瓚璋瓚裸器也以圭璋為柄酌鬱鬯曰裸大宗亞裸容  
夫人有故攝焉今案君純冕立于阼鄭于上文以共純  
服解云純服亦冕服也互言之爾純以見緇色冕以著  
祭服上文已解故于此略而不論

疏曰君純冕立于

作者純亦緇也鄭氏之意凡言純者其義有二一絲旁才是古之緇字二是絲旁毛是純字但書文相亂雖是緇字並皆作純鄭氏所注于絲理可知于色不明者即讀為緇論語云今也純儉及此純服皆讀為黑色若衣色見絲文不明者讀純以爲絲也冕皆上玄下纁及其服並然故通云緇冕若非二王之後及周公廟即悉用玄冕而祭夫人副禕立于東房者副及禕后之上服魯及二王之後夫人得服之侯伯夫人榆狄子男夫人闕狄而並立東房以俟行事尸既入之後轉就西房故禮器云夫人在房雖不云東西房下云夫人東酌壘尊則知夫人在房謂西房也大宗執瑋瓚亞裸者大宗主宗廟禮者以亞裸之禮夫人親爲之此不云夫人而云大宗者記者廣言容夫人有故故大宗伯代夫人行禮執瑋瓚亞裸之禮祭統

玉人裸圭尺

有二寸有瓚以祀廟

裸之言灌也或作裸或作果謂始獻酌奠也瓚如盤其柄用圭有流

前注 疏曰鄭注小宰云唯人道宗廟有祿天地大神  
至尊不祿故此唯云以祀廟典瑞兼云以祿賓客此不  
言者有典瑞故作文略也又曰讀祿為灌者取水灌之  
義云祿謂始獻酌奠也者小宰注云祿亦謂祭之啐之  
奠之以其尸不飲故云奠之案司尊彝注祿謂始獻尸  
如持杜注云始獻神也者以其祿入獻于尸故云獻尸  
又灌圭為降神故云獻神三注雖曰不同其義一也云  
瓚如盤其柄用圭有流前注者鄭注典瑞引漢禮瓚盤  
大五升口徑八寸下有盤口徑一尺言有流前注者案  
下三璋之勺鼻寸是也言前注者以尸執之向外祭乃  
注之故云有流

前注也

冬官

# 典瑞祿圭有瓚以肆先王

肆如字又  
他歷反

鄭司農云于圭頭為器可以挹鬯祿祭謂之瓚故詩曰  
瑟彼玉瓚黃流在中國語謂之鬯圭以肆先王灌先王  
祭也玄謂肆解牲體以祭因以為名爵行曰祿漢禮瓚  
盤大五升口徑八寸下有盤口徑一尺 疏曰祿圭即



玉人所云裸圭尺有二寸者也以肆先王謂祭先王則宗伯六享皆是也又曰先鄭云于圭頭為器器即璫是也云可以挹鬯裸祭謂之璫者鬯即鬱鬯也言裸言祭則裸據賓客祭據宗廟也詩曰瑟彼玉璫黃流在中者彼詩是美王季為西伯受殷玉圭璫之賜言黃流在中即與玉人云黃金勺鼻等同也云國語謂之鬯圭者案國語云臧文仲以鬯圭與魯如齊告糴是也云以肆先王灌先王祭也先鄭不解肆字故後鄭釋之玄謂肆解牲體以祭因以為名者案大司徒云祀五帝奉牛牲蓋其肆是祭時肆解牲體因即以肆為祭名也云爵行曰裸者此周禮裸皆據祭而言至于生人飲酒亦曰裸故投壺禮云奉觴賜灌是生人飲酒爵行亦曰灌也云漢禮璫槃大五升口徑八寸下有槃口徑一尺者此漢禮器制度文叔孫通所作案玉人職云大璋中璋邊璋下六黃金勺青金外朱中鼻寸衡四寸鄭注云三璋之勺形如圭璫玉人不見圭璫之形而云形如圭璫者鄭欲

司尊彛字六尊六彛之位詔其酌辨其用與

之形即此漢禮文其形則大三璋之勺徑四寸所容蓋

小也

春官

其實

位所陳之處酌沖之使可酌各異也用四時祭祀所用亦不同實鬱及醴齊之屬

沖子里反齊才

計反

疏曰此經與下文為目直云六彛六尊業下兼

有彛尊不言者文略也又曰云位所陳之處者此下經

不見陳尊之處案禮運云玄酒在室醴醕在戶齊醴在堂澄

酒在下彼是禘祭陳四齊此下時祭陳二齊設尊亦依此也

云酌沖之使可酌各異也者此下文鬱齊酌獻醴齊縮

酌之等是各異也云用四時祭祀所用亦不同者即下

文春祠夏禴已下所用不同是也云實

鬱及醴齊之屬者醴齊之中有三酒也

春祠夏禴裸用

鷄彛鳥彛皆有舟其朝踐用兩獻尊其再獻用兩象尊

皆有罍諸臣之所昨也秋嘗冬烝裸用竿彛黃彛皆有  
舟其朝獻用兩著尊其饋獻用兩壺尊皆有罍諸臣之  
所昨也凡四時之閒祀追享朝享裸用虎彛雉彛皆有  
舟其朝踐用兩大尊其再獻用兩山尊皆有罍諸臣之

所昨也

兩獻注作犧素何反著直路反朝享直遙反雉音誅又以水反兩大音太裸謂以圭瓚酌鬱

鬯始獻尸也后于是以璋瓚酌亞裸郊特牲曰周人尚  
稷灌用鬯臭鬱合鬯臭陰達于淵泉灌以圭璋用玉氣  
也既灌然後迎牲致陰氣也朝踐謂薦血腥酌醢始行  
祭事后于是薦朝事之豆籩既又酌獻其變朝踐為朝  
獻者尊相因也朝獻謂尸卒食王醕之再獻者王醕尸  
之後后酌亞獻諸臣為賓又次后酌盞齊備卒食三獻

也于后亞獻內宗薦加豆運其變再獻為饋獻者亦尊  
相因饋獻謂薦孰時后于是薦饋食之豆運此凡九酌  
王及后各四諸臣一祭之正也以今祭禮特牲少牢言  
之二裸為奠而尸飲七矣王可以獻諸臣祭統曰尸飲  
五君洗玉爵獻卿是其差也明堂位曰淮用玉璫大圭  
爵用玉琖如用璧角璧散又鬱人職曰受舉竿之卒爵  
而飲之則王酌尸以玉爵也王酌尸用玉爵而再獻者  
用璧角璧散可知也鷄彝鳥彝謂刻而畫之為鷄鳳皇  
之形皆有弁皆有彝言春夏秋冬及追享朝享有之同  
昨讀為酌字之誤也諸臣獻者酌彝以自酢不敢與王  
之神靈共尊鄭司農云舟尊下臺若今時承槃獻饋焉  
犧犧尊飾以翡翠象尊以象鳳皇或曰以象骨飾尊明  
堂位云犧象周尊也春秋傳曰犧象不出門尊以裸神  
畢臣之所飲也詩曰鉶之登矣維畢之恥竿請如稼稼  
彝畫禾稼也黃彝黃目尊也明堂位曰夏后氏以鷄彝  
殷以斚周以黃目爾雅曰彝白器也著尊者著略尊

也或曰著尊著地無足明堂位曰著殷尊也壺者以壺  
為尊春秋傳曰尊以魯壺追享朝享謂禘祫也在四時  
之間故曰閒祀雖讀為蛇虺之虺或讀為公用射隼之  
隼大尊大古之瓦尊山尊山罍也明堂位曰秦有虞氏  
之尊也山罍夏后氏之尊故書踐作饒杜子春云饒當  
為踐玄謂黃目以黃金為目郊特牲曰黃目鬱氣之上  
尊也黃者中也目者氣之清明者也言酌于中而清明  
於外追享謂追祭遷廟之主以事有所請禱朝享謂朝  
受政于廟春秋傳曰閏月不告朔猶朝于廟雖禹屬印  
鼻而長尾山罍亦刻而畫之為山雲之形 盞鳥浪反  
占音西音由虺許偉反射食亦反隼音尹反禹音遇音  
隅印魚文反又五剛反 疏曰此六者皆據宗廟之祭  
但春夏同陽秋冬同陰其追享朝享又是四時之間祀  
以類附從故可同尊也曩與齊尊各用二者鬱鬯與齊  
皆配以明水三酒配以玄酒故禮記郊特牲云祭齊加  
明水三酒加玄酒依鄭志云一鬴桑葢明水為桑葢鬱

祀是以各二尊器尊不言數者禘祫與時祭追享朝享等皆同用三酒不別數可知也若然依酒正云大祭祀隋五齊據大祫通鬱鬯與三酒并配尊則尊有十八禘祭四齊闕二尊則尊有十六此經時祭二齊闕六尊則尊有十二矣其祫在秋禘在夏則用當時尊重用取足而已此經彙下皆云升尊與器下皆不云所承之物則無物矣故禮器云天子諸侯廢禁其此之謂也又曰言裸謂以圭瓚酌鬱鬯始獻尸也者宗廟之祭先作樂下神則大司樂云若樂九變人鬼可得而禮鄭注云先奏是樂而裸焉是裸有二此言圭瓚者據王而言故鄭即云后于是以琖瓚酌亞裸是也后裸之時內宰贊之故內宰職云后裸獻則贊瑤爵亦如之若然非直贊裸而已至于后之朝踐饋獻及醕用瑤爵皆贊之引郊特牲者證課以鬱鬯又用圭璋也云既灌然後迎牲致陰氣也音裸是陰氣故郊特牲又云周人先求諸陰求諸陰灌是也此注引郊特牲后亞王裸後王乃出迎牲案內

宰注云王既裸與此違者彼注取王事自相亞故先言王既裸出迎牲后乃後裸其實以此注為正也王出迎牲之時祝延尸向戶外戶牖之間南面后于是薦朝事八豆八簋王迎牲入廟卿大夫贊幣而從牲麗于碑王親設大僕贊王牲事取血以告殺取毛以告純解而腥之為七體薦于神坐訖王以玉爵酌醴齊以獻尸后亦以玉爵酌醴齊以獻尸此謂經朝踐用兩厭尊也禮器云郊血大饗腥則享祭宗廟無血此云薦血腥者謂肉非謂如別薦血也云后于是薦朝事之豆簋既又酌獻者先薦後厭祭禮也其實薦豆簋在王厭前今在三厭後乃言后薦豆簋者鄭欲說王事訖乃說后事故後言薦豆簋也云變朝踐言朝獻者尊相因也朝獻謂尸卒食王醕之者此朝獻于經當秋冬之祭鄭既未解春夏再獻先釋秋冬朝獻者以其朝獻是王醕尸因朝踐之尊醴齊故鄭先通解之云再獻者王醕尸之後后酌亞獻諸臣為賓又次后酌盞齊備卒食三獻也者此言再

厭即經春夏之祭云再厭用兩象尊尸食後陰厭王醑尸后與實長焉再厭此亦在饋厭後先言再厭者后與實醑尸因饋厭盡齊之尊故變饋厭云再厭云內宗薦加豆遵者案醢人及遵人有朝事之豆遵有饋食之豆遵有加豆遵之實故鄭于此取朝事當朝踐節饋食當饋厭節食後重加故加豆加籩當醑尸節案內宰職云贊后薦加豆遵故知內宗薦之云其變再厭為饋厭者亦尊相因饋厭謂薦熟時者此言饋厭當經秋冬祭之節其春夏言再厭至此秋冬言饋厭據大馬先後故云變再厭言饋厭其寄先饋厭後再厭也以其饋厭在朝踐後亦在當尸未入室再厭王醑尸後節也是以云饋厭謂薦熟時也此即禮運云孰其穀鄭注云體解而憫之是也云后于是薦饋食之豆遵者此即醢人遵人饋食之豆遵者也云此凡九酌王及后各四諸臣一者九謂王及后課各一朝踐各一饋厭各一醑尸各一是各四也諸臣醑尸一并前八為九云祭之正也者此九厭



是正獻索特牲少牢仍有衆賓長兄弟之長嗣子舉奠  
上利洗散為加獻彼並非正故此云祭之正也云以今  
祭禮特牲少牢言之者天子諸侯祭禮亡雖檢禮記及  
周禮而言其文不具故取特牲少牢見在禮而言以其  
特牲少牢惟有醕尸後三獻天子諸侯醕尸後亦三獻  
與彼同故取以為說也云二裸為奠而尸飲七矣王可  
以獻諸臣者王獻諸臣無文此又約祭統而言故即引  
祭統曰尸飲五君洗玉爵獻卿是其差也者彼據侯伯  
禮宗廟七獻二裸為奠不飲朝踐已後有尸飲五獻卿  
即天子與上公同九獻二裸為奠不飲是尸飲七可以  
獻諸臣若然子男五獻者二裸為奠不飲是尸飲三可  
以獻卿故鄭云是其差皆當降殺以兩大夫士三獻無  
二裸直有醕尸三獻獻祝是也云明堂位曰灌用玉瓚  
大圭爵用玉琖加用璧角璧散者彼賜魯侯祭周公用  
天子之禮故以為證言灌用玉瓚者謂以玉飾瓚以大  
圭為柄此大圭非謂玉人大圭長三尺者直是以圭為

柄謂之大圭也爵用王琖者謂君與夫人朝踐饋獻時所用獻也加用璧角璧散者此即內宰所云瑤爵一也以瑤玉為璧形以飾角散爵是通名故得瑤爵璧角璧散之名也又鬱人職曰受舉斚之卒爵而飲之者引之欲證王醕尸與前同用玉爵之意也云則王醕尸以玉爵也王醕尸用玉爵而再獻者用璧角璧散可知也者再獻謂后與諸臣亦以明堂位云爵用玉琖加用璧角璧散差之推次可知也云鷄彝鳥彝謂刻而畫之為鷄象皇之形者案尚書云鳴鳥之不聞彼鳴鳥是鳳皇則此鳥亦是鳳皇故云畫鷄鳳皇之形也云皆有每皆有墨言春夏秋冬及追享朝享有之同者即文自具故知有之同也云昨讀曰酢者主人主婦賓長獻尸皆有酢獻不得為昨曰之字故從酬酢之字也云諸臣獻者酌酒以自酢不敢與王之神案共尊者王醕尸用朝踐之尊醕齊尸酢王運用醕齊后醕尸用饋獻之尊盞齊尸酢后運用盞齊以王與后尊得與神靈共尊今省長臣

卑醕尸雖得與后同用盞及尸酢賓長即用罍尊三酒  
之中清酒以自酢是不敢與王之神室共酒尊故也鄭  
司農云舟尊下臺若今時承檠者漢時酒尊下槃象周  
時尊下有舟故舉以為況也云獻請為犧犧尊飾以翡  
翠者翡赤翠青為飾象尊以鳳皇此二者于義不安故  
更解以象骨飾尊此義後鄭從之其云飾以翡翠後鄭  
不從之矣引明堂位犧象周尊也者證飾尊有非周制  
者引春秋傳者是左氏定十年夾谷之會孔子之言引  
之者證犧象是祭祀之尊不合為野饗之義也云尊以  
保神者司農解犧象不出門之意其實缺尸而云保神  
者尸神象尸飲即是裸神若云奉觴賜灌之類非謂二  
灌用爵也云罍臣之所飲也者經云皆有罍諸臣之  
所酢故知諸臣所飲者也引詩者證罍是酒尊之義云  
祭讀如稼稼是畫禾稼也者以諧尊皆異物為飾今云  
華于義無取故破從稼也云黃彝黃目尊也者依明堂  
位文引明堂位者證鷩彝是夏法華彝是殷法黃彝是

周法引爾雅者欲見此經有義為上卽據象之屬為中焉為下與爾雅同也云著尊者著略尊也者義不要云著地無足于義是也云春秋傳者昭十五年左傳云六月乙丑王太子壽卒秋八月戊寅王穆后崩十二月晉荀躒如周葬穆后籍諱為介以文伯宴尊以魯壺是其義也引之者證壺是祭祀酒尊司農云追享朝享謂禘祫也在四時之閒故曰閒祀者案大宗伯祫禘在四時之上當如酒正大祭祀備五齊何得在四時之下故後鄭不從也鄭司農請蠲馮蛇虺之虺或請為公用射卑之卑者無所依據故後鄭皆不從也又云大尊大古之瓦尊者此即有虞氏之大尊于義是也故皆以明堂位為證也玄謂黃金目以黃金為目者無正文鄭以目既為眼目黃金又與黃金字同故為黃金釋之也引郊特牲者解黃金目之義也云追享謂追祭遠廟之主以事有所請禱者此追享知祭遠廟主者案祭法云去廟為壇去壇為墠墠有禱焉祭之無禱乃止是追祭遠廟之主

故知也云朝享謂朝受政于廟者謂天子告朔于明堂  
因即朝享朝享即祭法謂之月祭故祭法云考廟王考  
廟皇考廟顯考廟祖考廟皆月祭之二祧享嘗乃止諸  
侯告朔于大廟因即朝享祭法云諸侯考廟王考廟皇  
考廟皆月祭之顯考祖考享嘗乃止告朔天子用牛諸  
侯用羊月祭皆大牢也春秋傳者文公六年左氏傳云  
閏月不告朔猶朝于廟若然天子告朔於明堂則是天  
子受政于明堂而云受政于廟者謂告朔自是受十二  
月政令故名明堂為布政之宮以告朔訖因即朝廟亦  
謂之受政與明堂受朔別也春秋者彼譏廢大行小引  
春秋者見告朔與朝廟別謂若不郊猶三望與郊亦別  
也云雌雉屬印鼻而長尾者素鷄雉為其相配皆為鳥  
則虎雉雌雉相配皆為獸故爾雅皆釋獸中爾雅云雌  
雉屬彼注云雌似鰓猴而大黃黑色尾長數尺似鰓尾  
末有歧鼻露向上雨即自懸于樹以尾塞鼻或以兩指  
今江東人亦取養之為物捷健云山薑亦刻而畫之為

山雲之形者罍之字于義無所取字雖與雷別以聲同  
故以雲雷解之以其雷有聲無形但雷起于雲雲出于  
山故本而釋之以為刻畫山雲之形也異義第六罍制  
辭詩說金罍大器天子以玉諸侯大夫皆以金士以梓  
古廷說罍器諸臣之所酢人君以黃金飾尊大一石金  
飾亡目蓋取象雲雷之象謹案辭詩說罍天子以玉經  
無明文罍者取象雲雷故從人君下及諸臣同如是經  
文惟有詩云我姑酌彼金罍古廷說云人君以黃金則  
其餘諸臣直有金無黃金飾也若熊向來所說鵠彝鳥  
彝等皆有所出其虎彝雖彝當是有虞氏之尊故鄭注  
尚書云宗彝宗廟之中尊尊虞氏  
所用故曰虞夏已上虎雖而已也  
凡六彝六尊之酌鬱

齊獻酌醴齊縮酌盎齊沅酌凡酒修酌

獻素何反鄭音  
醴沅舒銳反

故書縮為數齊為盞鄭司農云獻讀為儀儀酌有威儀  
多也沅酌者沅拭勺而酌也修酌者以水洗勺而酌也

查諸皆為齊和之齊杜子春云數當為縮齊諸皆為菜  
玄謂禮運曰玄酒在室醴醴在戶菜醴在室澄酒在下  
以五齊次之則醴酒盡齊也郊特牲曰縮酌用茅明酌  
也醴酒沈于清汁缺沈于醴酒猶明清與醴酒于舊澤  
之酒也此言轉相沈成也缺讀為厚莎之莎齊語聲之  
誤也麥鬯和秬鬯以醴酒厚莎沈之出其香汁也醴齊  
尤濁和以明酌沈之以茅縮去滓也盡齊差清和以清  
酒沈之而已其餘三齊泛從醴醴沈從盡凡酒謂三酒  
也修讀如潑濯之潑潑酌以水和而沈之今齊人命沽  
酒曰潑明酌酌取事酒之上也澤讀曰醒明酌清酒醴  
酒沖之皆以舊醴之酒凡此四者裸用鬯齊朝用醴齊  
饋用盡齊詣臣自酢用凡酒唯大事于大廟備五齊三  
酒齊和胡卧反渠才計反緹音體舊澤音亦去滓起  
呂反疏曰云凡六藝之酌與鬯齊為日六尊之酌與  
醴齊盡齊為目下有凡酒潑酌上不言盡者亦是文不  
具也凡言酌者皆是沈之使可酌也又曰司農云缺讀

為既已下後鄭皆不從者此經為沛酒之法而司農皆不為沛酒法其言無所據依故皆不從也司農云齊讀皆為齊和之齊鄭注酒正為度量解之則齊和義亦通也子春為桑于義不可後鄭于酒正已破訖玄謂引禮運者欲破彼醖從此盞也彼云玄酒在室者據配鬱鬯之尊故在室若配鬱鬯當云明水而云玄酒者散文通云以五齊次之則醖酒盞齊也者于此經及酒正言之盞次醖醴運醖醴醴以醖當盞處即一物明醖酒盞齊也盞齊云酒則酒齊亦通引郊特牲曰縮酌用茅明酌至醖酒者彼記人意以經沛酒法難解故釋此經沛酒之法也此云醖齊縮酌彼記人取此縮酌二字于彼重解之云此言縮酌者縮酌當用茅也又云明酌者醴齊濁運用事酒之清明者和醴齊然後用茅沛之使可酌故為明酌也云醖酒沅于清者醖酒即盞齊盞齊差清亦不言縮則不用茅沅謂新亦謂沛之也彼記人亦取此盞齊沅酌解之以盞齊欲沛之時則以清酒和而沛



說使可酌故直云說於清也云汁獻說于醖酒者記人亦取此經鬱齊獻酌釋之云汁獻者獻讀摩莎之莎也云說于醖酒者以鬱鬯尊不用三酒而用五齊中盡齊差清者和鬱鬯沛之故云說于醖酒也云猶明清與醖酒于舊醖之酒也者此記人復恐不曉古之沛酒之法故舉當時沛酒之法以曉人也云明清者明謂事酒清謂清酒醖謂盡齊也三者皆于舊醖之酒中沛之但云醖酒即事酒也今云舊醖則醖中之舊冬釀接春而成故云舊是昔酒也云此言轉相沛成已下皆鄭重釋記人之言也云醖齊尤濁和以明酌沛之者醖齊對盡齊已下三者為尤濁上仍有泛齊更濁于醖齊也盡齊差清和以清酒沛之而已者以不用第故云沛之而已云其餘三齊泛從醖醖沈從盡者以沛三者無文故鄭約同此二齊以泛齊濁不過與醖齊同提沈清無過與盡同故略為二等沛五齊也云凡酒謂三酒也者以上文列異而盡三等之尊此見沛鬱與二齊凡酒事相當故

凡酒謂三酒非一故稱凡也云脩讀為滌濯之滌者讀從宗伯視滌濯之滌設解滌為水之意必知以水者曲禮曰水曰清滌且饗用五齊五齊用三酒三酒用水差次然也云明酌酌取事酒之上也者重解縮酌用茅明酌也云澤讀曰醒明酌清酒醑酒沛之皆以舊醑之酒者重解當時之法以曉人者也云凡此四者祿用鬱齊朝用醴齊饋用盎齊諸臣自酢用凡酒者此以上列尊及沛酒次第為先後祭禮有祿有朝踐饋獻醕尸次第為先後推次可知也云唯大事于大廟備五齊三酒者此據酒正云祭祀共五齊三酒下有大祭中祭小祭此時祭用二齊禮運四齊據禘祭明大事洽祭備五齊三酒可知三酒時祭亦備之亦十大事言之者連言挾句耳文二年大事于大廟公羊傳大事者何大洽也即此大事是洽可知也春官

小宗伯辨

六彛之名物以待果將

六彛鵠彛鳥彛華彛黃彛虎彛雖彛果讀為課疏曰上二經

皆云使共奉之此及下經不云使共奉之而云以待文  
不同者上二者官眾故云使共奉此及下文並是司尊  
彝一職之事又是春官當司所主故直云以待也裸言  
將者將送也謂以圭瓚酌之送與尸及賓故云將六彝  
之名出司尊彝也云果讀為裸者諸文皆  
云裸故讀從之其實裸更讀為灌同上

### 鬯人掌共

### 拒鬯而飾之

拒鬯不和鬱者也鄭知飾之謂設巾疏曰云掌

云不和鬱者也鄭知飾之謂設巾者此上下雖無設巾  
之事案冢人云以疏布巾冢八尊以壹布巾冢六彝几  
王巾皆黼凡尊皆有巾冢明拒鬯之酒  
尊亦設巾可知故知所飾者設巾也

### 廟用脩凡裸事

### 用概

脩音白概古愛反裸當為理字之誤也廟用脩  
者謂始禘時自饋食始脩概漆尊也脩讀曰白白

中尊謂厭黍之屬尊者為上罍為下概尊以未帶者  
疏曰鄭破裸為埋者若裸則用鬱當用彝尊不合在

此而用概尊故破從理也理謂祭山林則山川用廢者  
大山川謂廟用脩者謂始禘時者謂缺祭後建廟時以  
其宗廟之祭從此始自始死已來無祭今為建廟以新死  
者木主入廟特為此祭故云始禘時也以三年喪畢明年  
春禘為終禘故云始也云自饋食始者天子諸侯之祭  
自灌始有朝踐饋獻乃有饋食進黍稷大夫士禮無饋  
獻已前事直自饋食始即特牲少牢皆云饋食之禮是  
也今以喪中為吉祭不可與吉時同故略同大夫士禮  
且案大宗伯宗廟六享皆以裸為始當在鬯人用蕤今  
不用鬯在鬯人用白尊故知略用饋食始也若然鄭知  
義建廟在練時者案文二年校梁傳云作主壞廟有時  
日於練馬壞廟壞廟之道易稽可也改塗可也爾時未  
主新入廟禘祭之是以左氏說凡君薨祔而作主特祀  
主于寢畢三時之祭祫年終後祫嘗禘于廟許慎云左  
氏說與理同鄭無駁明用此禮同義與穀梁傳合賁服  
以為三年終禘遭祫嘗則行祭禮與前解違非鄭義也

鄭以脩從卣者詩與尚書及爾雅皆為卣脩字于尊義無所取故從卣也云卣中尊謂獻象之屬者案下司尊彝職云春祠夏禘裸用鷄彝鳥彝朝踐用兩獻尊饋獻用兩象皆有醴諸臣之所酢是尊者彝為上罍為下獻象之屬在其中故云中尊獻象之屬更云彝為上罍為下者欲推出卣為中尊之意也云之屬者秋冬及追享朝享皆彝為上罍為下著尊壺尊之等在其中也云概尊以未帶者玄纁相對既是黑漆為尊以未帶落腹故名概概者橫概之義

故知落腹也 同上

**鬱人掌裸器** 裸器謂彝及舟與罍 疏曰知裸器

中有彝及舟者此經下文云和鬱鬯以實彝又見司尊彝云春祠夏禘裸用鷄彝鳥彝皆有舟秋冬及追享朝享皆云馬故知彝有舟也知有罍者案禮記王制云諸侯賜主罍然後為鬯尚書序云平王錫晉文侯拒鬯主罍皆與拒鬯相將即下文裸玉是也故

知裸器中有罍罍則魚圭罍璋罍也

### 凡祭祀之裸事

# 和鬱鬯以實彝而陳之

鬯鬱金煮之以和鬯酒鄭司農云鬱草名十葉為貫百三十貫

為鬯以煮之醵中停于祭前鬱為草若蘭醵子遙反似銷反疏曰天地大神至尊不裸至于山川及門社

等事在鬯人亦無裸事此云祭祀唯據宗廟耳云和鬱鬯者謂和鬯人所造秬黍之鬯酒也為宗廟用鬱者則

肆師祭鬱金草煮之以和鬯酒更和以盞齊沛之以實彝陳于廟中祭之處也又曰鄭知祭鬱金草煮之者見

肆師云鬯鬯故知之也司農云十葉為貫百二十貫為鬯者未知出何文云以煮之醵中停于祭前者此似直

煮鬱停之無鬯酒者文略其實和鬯酒也云鬱為草若蘭者蘭則蘭芝以其俱是香草故比類言之案王度記

云天子以鬯諸侯以薰大夫以蘭芝士以蕭庶人以艾此等皆以和酒諸侯以薰謂未得主璫之賜得賜則以

鬱耳王度記云天子以鬯及禮緯云鬯草生庭凡裸玉皆是鬱金之草以其和鬯酒因號為鬯草也

濯之陳之以贊裸事

裸玉謂主璋璋是也故玉人典瑞皆云裸玉

圭尺有二寸禮記郊特牲云濯以主璋用玉氣也又曰宗禮記祭統云君用主璋裸尸大宗用璋璚亞裸鄭云

其節

節謂王奉玉送裸早晏之時疏曰云裸將之儀者即是奉玉送裸之威儀云節者即早晚時節故

兩言之又曰云奉玉謂王與后裸時奉璚而酌鬱鬯云送裸者謂送之以授尸尸得祭之嘒之奠之不飲故上文司農云傳

凡裸事沃盥

疏曰凡言非一若賓客則大

于祭前也

肆師及果築鬻

果古胤反鬻音費

鬻人沃以水盥手及洗璚也同上

鬻以裸也鄭司農云築羹築香草羹以為鬯疏曰及

以梧而築鬱金蕒以和拒鬯之酒以沛之而裸矣又曰鄭司農云築蕒築香草蕒以爲鬯者此言築鬯鬱人云裸事和鬱鬯謂取鬱金蕒和拒鬯之酒沛以裸神但鬱人自掌鬱此又掌之者彼官正職此肆師察其不如儀者也

### 小宰凡祭祀贊裸將之事

將送也裸送送裸謂贊王酌鬱鬯以

厭尸謂之裸裸之言灌也明不爲飲主以祭祀唯人道宗廟有裸天地大神至尊不灌莫稱焉凡鬱鬯受祭之啐之奠之疏曰云將送也裸送送裸謂贊王酌鬱鬯以厭尸者上云贊王幣爵據祭天而下別云裸將是據祭宗廟且上云贊王幣爵據祭天而別云裸將是據云贊王酌鬱鬯也云明不爲飲主以祭祀者朝踐已後尸乃飲二裸爲奠不飲故云不爲飲主以祭祀云唯人道宗廟有裸天地大神至尊不裸者據大軍祀五帝及大神示亦如之皆不言裸此文又裸將在玉幣爵之下明宗廟有裸天地無裸且大宗伯祀天言煙祭社言血



享大神不灌者不用降神無妨用鉶鬯必若然天地用  
八尊直有五齊三酒不言鉶鬯尊者以其冢人職天地  
八尊者以與宗廟六彝相對爲文鬯人職鉶鬯不入彝  
尊則別有尊矣不言者略耳不裸者復載之德其功尤  
盛欲報之德無可稱焉故無裸直加敬而已其牲用特  
其器陶匏皆是有賁略之事故鄭云莫稱焉云凡鬱鬯受  
祭之啐之奠之者謂王以圭瓚酌鬱鬯獻尸后亦以瓚  
瓚酌鬱鬯獻尸尸皆受灌地降神名爲祭之向口啐之  
啐之謂入口乃奠之于地也祭天地既言無灌兼宗伯  
涖玉鬯又兼禮記表記云親耕粢盛鉶鬯以事上帝上  
帝得有鉶鬯者兼春官鬯人職掌共鉶鬯下所陳社稷  
山川等外神皆用鉶鬯不用鬱鬯言灌是亦天地無裸

也天地無人職用鬯者唯有  
宗廟及裸賓客耳 天官

### 小宗伯凡祭祀以時將

瓚果

將送也猶奉也祭祀以時奉而授王天子圭瓚諸  
侯璋瓚疏曰云祭祀以時奉而授王者兼小宰

職云凡祭祀贊玉幣爵之事深將之事注云又從大宰  
助王也將送也裸送送裸謂贊王酌鬯以獻尸以人  
道宗廟有裸此小宗伯又奉而授王者此據授王彼小  
宰據授尸謂瓚既在王手小宰乃贊王授尸故二官俱  
言也云天子用圭瓚者玉人云裸圭凡有二寸者是也  
云諸侯用璋瓚者此謂未得圭瓚之賜者故王制云諸  
侯賜圭瓚然後為鬯未賜圭瓚則資鬯于天子是用璋  
瓚謂未得圭瓚賜者也 是以祭義云君用圭瓚灌大宗  
用璋瓚亞灌鄭云大宗亞灌容夫人有故是諸侯亦用  
圭瓚也若然天子用圭瓚則后亦用璋瓚也其諸侯未  
得圭瓚者若與夫人  
同用璋瓚也 春官

內宰大祭祀后裸獻則贊瑤爵

亦如之

謂祭宗廟王既裸而出迎牲后乃從後裸也祭  
統曰君執圭瓚裸尸大宗執璋瓚亞裸此大宗

亞裸謂夫人下與而攝耳獻謂王薦腥薦孰后亦從後  
獻也瑤爵謂尸卒食王既醺尸后亞獻之其爵以瑤為

飾疏曰大祭祀謂祭宗廟也后裸者謂室中二裸后  
亞王裸尸獻謂朝踐饋獻后以玉爵亞王而獻尸則贊  
者此三事內宰皆佐后裸時以璋瓚授后獻時以玉爵  
授后故云則贊也瑤爵亦如之者謂尸卒食王醕尸后  
亞王而醕之則內宰以瑤爵授后后如酌盞齊以醕尸  
云瑤爵亦如之者亦贊之也又曰以其天地山川社稷  
等外神后夫人不與又天地無裸此云裸故知鯁云大  
祭祀者據宗廟而言也但宗廟之祭四時與禘祫六享  
皆有此裸獻瑤爵之事故摠言宗廟也云王既裸而出  
迎牲后乃從後裸也者案郊特牲云既灌而出迎牲彼  
據君而言則知王既灌而出迎牲后乃從裸也案司尊  
彝注后亞王灌訖乃出迎牲者以郊特牲云既灌而出  
迎牲以既灌之中不言無后灌是以鄭云后灌後乃迎  
牲此云迎牲後后乃裸鄭以迎牲是王事欲取王事自  
相亞故退后裸于迎牲後也乃引祭統已下者彼雖諸  
侯禮欲見后有從王亞裸之事與諸侯同也又云獻謂

王薦腥薦孰后亦從後獻也者案禮記禮運云腥其俎  
 孰其飯鄭云腥其俎謂豚解而腥之孰其飯謂體解而  
 燂之是其薦腥薦孰也此二者是堂上朝踐饋獻之節  
 室中二灌訖王出迎牲時祝延尸于戶外之西南而后  
 薦八豆八運王牽牲入以血毛告訖以此腥其俎薦於  
 神前王以玉爵酌醴齊以獻尸后亦以玉爵酌醴齊以  
 獻尸也朝踐訖乃孰其飯薦于神前王以玉爵酌盞齊  
 以獻尸后亦以玉爵酌盞齊以獻尸名爲饋獻云瑤爵謂  
 尸卒食王既醕尸后亞獻之者案儀禮鄭注云諸侯尸  
 十三飯天子尸十五飯尸食後王以玉爵酌朝踐醴齊  
 以醕尸謂之朝獻后亦于後以瑤爵酌饋獻時盞齊以  
 醕尸謂之再獻故云后亞獻也云其爵以瑤爲飾者鄉  
 來所解知后以瑤爵亞醕尸者約明堂位云爵用玉醕  
 仍彫加以璧散璧角食後誦如彼當用王禮即知王醕  
 尸亦用玉醕后醕尸用璧角賓長醕尸用璧散彼云璧  
 此云瑤不同者瑤玉名瑤玉爲璧形飾角口則曰璧角

角受四升爵為德號故鄭云其爵以瑤為飾也 天官

諸侯賜圭璫然後為鬯

未賜圭璫則資鬯於天子

圭璫鬯爵也鬯秬酒也 疏曰賜圭璫者亦謂上公九命

者若未賜圭璫者則用璋璫故周禮小宗伯注云天子圭璫諸侯瑋璫既不得鬯則用釐故王度記云天子以鬯諸侯以釐圭璫之制案玉人職大璋中璋之下云黃金勺青金外朱中鼻寸衡四寸鄭注云鼻勺流也凡流皆為龍口也二瑋之勺形如圭璫又典瑞注璫樂大五升口徑八寸下有樂口徑一尺又明堂位注云以大圭為柄玉人注又云有流前注此是圭璫之形也鬯者釐秬黍為酒和以鬱金之草謂之鬱鬯不以鬱和直謂之鬯也 鬯者謂王制

右初獻

記祭之屬莫重於裸

祭統

王度記曰天

子鬯諸侯薰大夫芑蘭士蕪庶人艾秬者黑黍一

稃二米鬯者以百草之香鬱金合而釀之成為鬯

陽達於牆屋入于淵泉所以灌地降神也玉瓚者

器名也所以灌鬯之器也以圭飾其柄灌鬯貴玉

器也

通白虎

諸侯之有德者三命以秬鬯 不得

賜鬯者資於天子然後祭

尚書大傳

有虞氏之祭也

尚用氣血腥爛祭

尚謂先薦之爛或為脂 脂直飢反 統曰此一節總論祭祀之事

各依文解之有虞氏之祭也尚用氣者尚謂貴尚其祭祀之時先薦用氣物也血腥爛祭用氣也者

此解用氣之意血謂祭初以血詔神于室腥謂朝踐薦腥肉于堂燔謂沈肉于湯次腥亦薦于堂祭義云燔祭祭腥而退是也今于堂以血腥燔三者而祭是用氣也以其並未孰故云用氣也又曰言先薦者對合享錯孰為先也此虞氏尚氣殷人尚聲周人尚臭皆謂四時常祭也若其大祭祫周人仍先用樂也故大司樂云若樂九變則人鬼可得而禮矣鄭云先奏是樂以致其神而後裸焉推此言之虞氏大祭亦先作樂也故鄭注大司樂引虞書云曼擊鳴球搏拊琴瑟以詠祖考求格蕭韶九成鳳皇來儀此宗廟九奏之數此虞氏大祭與周同樂九奏夏殷大祭雖無文或當與周同熊氏以為殷人先求諸陽謂合樂在灌前周人先求諸陰謂合樂在灌後與降神之樂別熊氏又云凡大祭並有三始祭天以樂為致神始以煙為歆神始以血為陳饌始祭地以樂為致神始以埋為歆神始

以血為陳饌始祭宗廟亦以樂為致神始以灌為  
敬神始以腥為陳饌始義或然也案禮宗廟之祭  
先薦血後薦腥而云宗廟腥為陳饌始于義未安  
也熊氏又云社稷以下之祭皆有三始于義非也

殷人尚聲臭味未成滌蕩其聲樂三闋然後出迎

牲

滌蕩猶搖動也

疏曰殷人尚聲者帝王革異

殷不尚氣而尚聲謂先秦樂也不言夏或從虞

也臭味未成滌蕩其聲者臭味未成謂未殺牲也

滌蕩猶搖動也既尚聲故未殺牲而先搖動樂聲

以求神也樂三闋然後出迎牲者

闋止奏樂三偏止乃迎牲入殺之周人尚臭灌用

鬯臭鬱合鬯灌以圭璋既灌然後迎牲蕭合黍稷

既奠然後炳蕭合羶薌

羶如悅反合如字徐音閤  
羶音馨薌音香灌謂以



圭瓚酌鬯始獻神也已乃迎牲於庭殺之天子諸  
侯之禮也莫謂薦孰時也特牲饋食所云祝酌奠  
于銅南是也蕭薌蒿也滌以脂合黍稷燒之詩云  
取蕭祭脂薌蒿當爲馨聲之誤也莫或爲薦銅音  
刑疏曰周人尚臭者周禮變于殷故先求陰尚  
臭也灌用鬯臭者謂鬯氣也未殺牲先酌鬯酒灌  
地以求神是尚臭也鬯合鬯者鬯鬱金草也鬯謂  
鬯酒糗鬱金草和之其氣芬芳調鬯也又以特鬯  
汁和合鬯酒使香氣滋甚故云鬯合鬯也鄭注鬯  
人云鬯鬱金香草宜以和鬯盧云言取草芬香者  
與拒黍鬱合釀之成必爲鬯也馬氏說鬯草名如  
鬱金香矣合爲鬯也庾氏讀句則云臭鬱合鬯灌  
以圭璋用玉氣也者王肅云以圭璋爲瓚之柄也  
瓚所以斟鬯也玉氣潔潤灌用玉瓚亦求神之宜  
也玉氣亦是尚臭也周言用玉則殷不用圭瓚既  
灌然後迎牲者先求神後迎牲也蕭合黍稷者周

人後求陽也取蕭草及牲脂膏合黍稷燒之也此謂饋食時也故既奠然後燭蕭合殯薪者明上燭蕭之時節也既奠謂薦孰時也堂上事尸竟延尸戶內更從孰始也于薦孰時祝先酌酒奠于銅豆之南昆尸未入于是又取香蒿染以鴈脂合黍稷燒之于宮中此又求諸陽之義也簪香謂黍稷又曰知此經所云天子諸侯禮者以儀禮少牢特牲是大夫士之禮無異焉灌匱之事故也云奠謂薦孰時也特牲饋食禮所云祝酌奠于銅南是也者尸未入之前當饋孰之始饋孰有黍稷此云蕭合黍稷既奠然後燭蕭故知當饋食之時也云染以脂合黍稷燒之者此云蕭合黍稷是蕭與黍稷合詩云取蕭祭脂是蕭與脂合也故知有蕭及脂黍稷合簪香也

郊特牲

成王以

周公為有勲勞於天下命魯公世世祀周公以天

子之禮樂

同之於周尊之也魯公謂伯禽

是以魯君季夏六月以

禘禮祀周公於太廟牲用白牡尊用犧象山罍鬱

尊用黃目灌用玉瓚大圭薦用玉豆雕篋爵用玉

琖仍雕加以璧散璧角俎用琬歲升歌清廟下管

象朱干玉戚冕而舞大武皮弁素積裼而舞大夏

昧東夷之樂也任南蠻之樂也納夷蠻之樂於太

廟言廣魯於天下也

瓚才旦反罍息綏反琖祖管反琬若管反歲居衛反任而

林反又而鴛反季夏建巳之月也禘大祭也周公曰大廟魯公曰世室韋公稱宮白牡殷牲也尊

酒器也犧尊以沙羽為畫飾象骨飾之犧尊之器也黃彝也灌酌爵尊以獸也璫形如槃容五升以大圭為柄是謂圭瓊簋運屬也以竹為之雕刻飾其直者也爵君所進于尸也仍因也因爵之形為之飾也加加爵也散爵皆以壁飾其口也琖始有四足也歲為之距清廟周頌也象謂周頌武也以管播之朱干赤大盾也戚斧也冕冠名也諧公之服自袞冕而下如王之服也大舞周舞也大夏夏舞也周禮昧師掌授昧樂詩曰以雅以南以箏不僭廣大也沙素何反盾常準反又音允卷本作寃古本反僭七尋反又則念反疏曰同之于周者謂同此周公卜周之天子云魯公謂伯禽者尚書費誓云魯侯伯禽宅曲阜時伯禽歸魯周公不之魯故公羊文十三年傳封魯公以為周公也周公拜乎前魯公拜乎後曰生以養周公死以為周公主然則周公之魯乎曰不之魯也魯為不之魯

欲天下之一乎周也言若周公之魯恐天下歸心  
于魯故不之魯使天下一心以事周又曰此一節  
明禘禮祀周公于太廟文物具備之儀牲用白牡  
者白牡殷牲尊敬周公不可用已代之牲故用白  
牡尊用犧象山罍者魯得用天子之尊也犧犧尊  
也周禮春夏之祭朝踐堂上薦血腥時用以盛醴  
齊君及夫人所酌以獻尸也象象尊也周禮春夏  
之祭堂上薦朝事竟尸入室饋食時用以盛盎齊  
君及夫人所酌以獻尸也山罍謂夏后氏之尊天  
子于追享朝享之祭再獻所用今復崇周公于禘  
祭之時亦雜用山尊但不知何節所用鬱尊用黃  
目者鬱謂鬱鬯酒黃目甯燕所用今尊崇周公故  
于夏禘用之灌用玉瓚大圭者灌謂酌鬱鬯獻尸  
求神也酌之所用玉瓚以玉飾瓚故曰玉瓚也以  
大圭為瓚柄故曰大圭也薦用玉豆者薦謂祭時  
所薦醢醢之屬也以玉飾豆故曰玉豆下云殷玉

豆是也。雕篆者，篆籀也。以竹爲之，形似筍，亦爲時  
用也。雕鏤其柄，故曰雕篆也。爵用玉琖，仍雕者，爵  
君酌酒，獻尸杯也。琖，夏后氏之爵名也。以玉飾之，  
故曰玉琖。仍，因也。因用爵形而爲之，飾故曰仍雕。  
加以璧散，璧角者，加謂尸入室饋食，竟主人酌醴，  
齊醕尸名爲朝獻，朝獻竟而夫人酌盥，齊並獻名  
爲再獻。又名爲加，于時薦加豆，饗也。此再獻之時，  
夫人用璧角內宰，所謂瑤爵也。其璧散者，夫人再  
獻訖，諸侯爲賓用之，以獻尸。雖非正，加是夫人加  
爵之後，摠而言之，亦得加稱。故此摠云，加以璧散。  
璧角，先散後角便文也。俎用梳，歲者，梳，歲兩代，俎  
也。虞俎名，梳，梳形四足如案。禮圖云，梳長二尺四  
寸，廣一尺二寸，高一尺，諸臣加雲氣。天子犧，飾之  
夏俎名，歲，歲亦如梳，而橫柱四足，中央如距也。賀  
云，直有脚，曰梳，如脚中央橫木曰歲。升歌清廟者，  
升升堂也。清廟，周頌文王詩也。升樂工于廟堂而

歌清廟詩也下管象者下堂下也管匏竹在堂下  
故云下管也象謂象武詩也堂下吹管以播象武  
之詩故云下管象也未千玉戚者千盾也戚斧也  
赤盾而玉飾斧也冕而舞大武者冕袞冕也大武  
武王樂也王著袞冕執赤盾玉斧而舞武王伐紂  
之樂也皮弁素積裼而舞大夏者皮弁三王之服  
也裼見美也大夏夏禹之樂也王又服皮弁裼而  
舞夏后氏之樂也六冕是周制故用冕而舞周樂  
皮弁是三王服故用皮弁舞夏樂也而周樂是武  
武質故不裼夏家樂文文故裼也若諸侯之祭各  
服所祭之冕而舞故祭統云諸侯之祭也與竟內  
樂之冕而摠千率其章臣以樂皇尸是知用冕服  
舞也昧東夷之樂也任南蠻之樂也若周公德廣  
非唯用四代之樂亦為蠻夷所歸故賜奏蠻夷之  
樂于庭也唯言夷蠻則戎狄從可知也又一通云  
正樂既不得六代故蠻夷則唯與二方也白虎通

云樂元語曰東夷之樂曰朝離萬物微離地而生  
樂持予舞助時生也南夷樂曰南南任也任養萬  
物樂持羽舞助時養也西夷樂曰味味味也萬物  
衰老取晦昧之義也樂持戰舞助時殺也北夷樂  
曰禁言萬物禁藏樂持干舞助時藏也又曰誰制  
夷狄樂聖王也先王推行道德和調陰陽覆被夷  
狄故制夷狄樂何不制夷禮禮者身常履而行之  
夷狄不能行禮也此東曰味西曰抹離與白虎通  
正相反者以春秋二方俱有味抹離之義故白虎  
通及此各舉其一白虎通云朝離則抹離也鈞命  
決亦云東夷之樂曰昧而夷之樂曰南與此同鈞  
夷璧之樂于大廟者皆于大廟奏之言廣魯于天  
下也者廣魯欲使如天子示于天下故云廣魯于  
天下也又曰韋公稱宮此公羊文十三年傳曰周  
公稱大廟魯公稱世室韋公稱宮此魯公之廟也  
曷為謂之世室世室猶世世不毀也左氏經以為



大室屋項服氏云大廟之室與公羊及鄭達今所  
不取云犧尊以沙羽為畫飾者鄭志張逸問曰明  
堂注犧尊以沙羽為畫飾前問曰犧讀如沙沙鳳  
皇也不解鳳皇何以為沙谷曰刻畫鳳皇之象于  
尊其形婆娑然或有作猷字者齊人之聲誤耳鄭  
鄭注司尊彝云山罍亦刻而畫之為山雲之形鄭  
司農注周禮司尊彝云猷讀為犧犧尊飾以翡翠  
象尊以象鳳皇或曰以象骨飾尊王注禮器云為  
犧牛及象之形鑿其背以為尊故謂之犧象阮譔  
禮圖云犧尊畫以牛形云罍籩屬也以竹為之雕  
刻飾其直者也知罍為籩屬者與立連文故知籩  
屬以字從竹故知以竹為之直柄也罍既用竹不  
可刻飾今云雕其直者是刻其柄也云乃因也者  
釋詁文也云加加爵也者以其非正猷故謂之加  
云散角皆以璧飾其口也者鄭恐散角以璧為之  
故云以璧飾其口內宰謂之瑤爵此處謂之璧角

者璫是玉名璫是摠號璫是玉之形制角是爵之所受之名異其實一物也云琬始有四足也者以虞氏尚質未有飾飾故知始有四足云虞為之距者以夏世漸文故知以橫承距于足中云清廟周頌也者以史王有清廟之德祭之于廟而作頌也云象謂周頌武也以管攝之者索詩維清奏象舞裏二十九年見舞象柶南喬知非文王樂必以為大武武王樂者以經云升歌清廟下管象以父詩在上子詩在下故知為武王樂也以管攝之謂吹管攝散詩之聲也云大武周舞也者上云下管象謂吹大武詩此云舞大武謂為大武之舞云大虞夏舞也者以大夏是禹樂故為夏舞引周禮昧歸者證經之昧樂引詩以雅以南者證經之南夷之樂任即南也則此詩小雅鼓鍾之詩鄭云雅萬舞也萬也南也喬也三舞不附言進退之旅也周樂尚武故謂萬舞為雅

明堂位

子曰

禘自既灌而往者吾不欲觀之矣

禘大計反 伯陌曰禘王者

之大祭也王者既立始祖之廟又推始祖所自出之帝祀之于始祖之廟而以始祖配之也成王以周公有大勲勞賜魯重祭故得禘于周公之廟取文王為所出之帝而周公配之然非禮矣灌皆祭祭之始用鬱鬯之酒灌地以降神也魯之君臣當此之時誠意未散猶有可觀自此以後則浸以懈怠而無足觀矣蓋魯祭非禮孔子本不欲觀至此而失禮之中又失禮焉故發此歎也謝氏曰夫子嘗曰我欲觀夏道是故之祀而不足證也我欲觀商道是故之宋而不足證也又曰我觀周道出屬陽之吾舍魯何適矣魯宋郊禘非禮也周公其察矣考之祀宋已如彼考之當今又如此孔子所以深歎也

或問禘之說子曰不知也知其說者之於

天下也其如示諸斯乎指其掌

先王報本追遠之意莫深于禘非仁

孝哉敬之至不足以與此非或人之所及也而不王不禘之法又魯之所當諱者故以不知答之示與視同指其掌弟子記夫子言此而自指其掌言其明與易也蓋知禘之說則理無不明誠無不格而治天下不難矣聖人于此此

襄公二十八年十

一月乙亥齊嘗于大公之廟慶舍涖事

大音太臨祭事

麻嬰為尸

為祭尸

慶吳為上獻

吳戶結反

獻者

疏曰

祭祀之

上獻

獻

禮主人先獻下文慶舍死公懼而歸則於時公親在矣又此祭慶舍涖事公與慶舍不為上獻而吳為上獻者慶舍使為之不可以禮責也吳即繩也春秋左氏傳



儀禮經傳通解續卷二十五中